

- 47

1616
2

F. XI. 47.

OFFICIA


PROPRIA SANCTORVM S.P.N. BENEDICTI RECITANDA

Ab omnibus Cassinensibus utriusque sexus.

Ex Decreto Sacrae Rituum Congregationis sub die 24.

Februarij, 1680.

*Pro Hospitio Praecorviensis Montis Angeli
Eremitano Camaldul.*



CALENDARIVM

Officiorum addendorum.

JANUARI.

Die 12. Commemoratio S. Benedicti Abbatis in Anglia.

23. S. Ildephonsi Episcopi Confessoris, duplex.

30. S. Adelelmi Abbatis, duplex.

FEBRUARI.

2. S. Laurentij Episcopi Confessoris, duplex.

18. S. Helladij Episcopi Confessoris, duplex.

27. S. Leandri Episcopi Confessoris Doctoris, duplex.

MARTII.

1. S. Rudolfi Episcopi Confessoris, duplex.

2. S. Suitberti Episcopi Confessoris, duplex.

3. S. Chunegundis Virg. duplex.

6. S. Veremundi Abbatis, duplex.

11. S. Vincentij Abbatis Martyris, dupl. & commemoratio
S. Eulogij Martyris.

13. S. Ramiri & sociorum Martyrum, duplex.

A

APRI-

Pro parte decetia Chori.

A P R I L I S.

4. S. Isidori Episcopi Confessoris Doctoris, duplex.
16. S. Turibij Episcopi Confess. duplex. (hac die Martyrol.)
21. S. Anselmi Episcopi Confessoris Doctoris, duplex.
24. S. Melliti Episcopi Confessoris, duplex.

M A I I.

25. S. Gennadij Episcopi Confessoris, duplex.
26. S. Augustini Episcopi Confessoris, duplex.
27. S. Bedæ Confessoris Doctoris, duplex.

J U N I I.

1. S. Enneconis Abbatis, duplex.
5. S. Bonifacij Episcopi Martyris, duplex.
14. S. Felicis Monachi martyris, duplex.
20. S. Florentinæ, seu Florentiæ Virginis, commemoratio.
23. S. Ediltrudis Virginis, commemoratio.

J U L I I.

7. S. Vuilelbaldi Episcopi Confessoris, semiduplex.
8. S. Chilian Episcopi Martyris, semiduplex.

A U G U S T I.

6. S. Stephani & sociorum, Mart. duplex.

S E P T E M B R I S.

17. S. Columbæ V. M. dupl. & comm. S. Editæ. Virg.
19. SS. Ianuarij & sociorum Mart. & comm. S. Theodori.
Episcopi Confessoris.
24. S. Gerardi Episcopi Martyris.

O C T O B R I S.

5. SS. Placidi & socior. Mm. & com. S. Athiliani Ep. Conf.
10. S. Paulini Episcopi Confessoris, semiduplex.
15. S. Tereßæ Virg. & commem. S. Brunonis Episc. Martyr.
& S. Theclæ Virginis.

N O V E M B R I S.

10. S. Iusti Episcopi Confessoris, semiduplex.
17. S. Gertrudis Virginis, duplex.

D E C E M B R I S.

14. S. Dominici Abbatis Silensis, duplex.

OFFI-

SSS (*) SSS

OFFICIA SANCTORVM.

DIE XII. IANVARII.

De Off. Epiphaniæ, cum commem. S. Benedicti Abbatis in Anglia.

ORATIO.

DEus, cuius virtute Beatus Benedictus Confessor tuus contra mundi illecebras viriliter decertavit in terris; concede propitius, ut eius exempla sectantes, cum ipso coronari mereamur in cælis. Per Dominum. &c.

DIE XXIII. IANVARII.

In festo S. ILDEPHONSI Episcopi Confessoris, duplex.

Omnia de Communi Confessoris Pontificis.

ORATIO.

DEus, qui per gloriosissimam Filij tui Matrem beatum Ildephonsum Confessorem tuum atq; Pontificem, misso de thesauris cœlestibus munere decorasti: concede propitius; ut per eius preces & merita munera capiamus æterna. Per eundem Dñm.

In primo Nocturno Lect. Fidelis sermo. de Communi Confessoris Pontificis.

In secundo Nocturno.

Lectio v.

Ildephonsus natione Hispanus, Toleti nobilissimis Stephano & Lucia parentib9 ortus, omniq; cura nutritus, liberalibus disciplinis instructus est. Primum habuit præceptorem Eugenium Toletanum Antistitem, à quo ob præclaram indolem, Hispanim, ad Isidorum, magna tñc eruditione pollentem, missus est. Apud quem duodecim annis commoratus, tandem fruge bona, doctrinâq; sanâ imbutus, Toletum remeavit ad Eugenium. à quo propter eximias virtutes peritiamq; non vulgarem, Ecclesiæ Toletanæ Archidiaconus effectus, mundi cupiens laqueos declinare, in Agaliensi monasterio ordinis S. Benedicti Monasticum institutum amplexus est; frustra parentibus,

tibus, precibus & minis omnia tentantibus, ut eum à sancto proposito reuocarent.

& Inueni Dauid.

Lectio vj.

Monachi non multò post in defuncti Abbatis locum eum subrogârunt: suspiciebant siquidem in eo (præter virtutes reliquas) æquitatem, morum facilitatem, prudentiam, & admirabilem sanctitatem. Tantus itaque fulgor, tanta veræ pietatis lux (quod ipse timebat) latere non potuit. Eugenio namque vita functo, Cleri, Senatûs, totiulq; populi decreto, Toletan9 Archiepiscop9 elect9 est. In qua dignitate, quantum populo sibi commissio, verbo & exemplo profuerit, quæ miracula ediderit, quam multis fuerit nominibus de Virgine Matre benemeritus, nō potest paucis explicari. Cænobium virginum in Deilsensî Villula ædificauit, ac magnis muneribus auxit. Hæreticos quosdam, qui in Hispania hæresim Eluidianam, tolerantem perpetuam Mariæ Deigenitricis Virginitatem, disseminabant, doctissimè confutauit, & ab Hispania eiecit. Eius autem hac de re disputatio,

libro, quem scripsit de Beata Mariæ Virginitate, continetur: ipsa, miraculo serui sui zelum confirmante, Cùm enim Ildephonsus ad preces matutinas Expectationis Beatae Mariæ in Ecclesiam nocte descenderet; comites eius in Ecclesiæ limine, fulgore quodam repentinò deterriti retrocesserunt: ille verò intrepidus ad aram progressus, Virginem ipsam vidit, & adorauit, ab eademque vestem, quâ in sacrificijs uteretur, accepit,

& Posui:

Lectio vij.

Cum etiam dies Leocadiæ festus ageretur, & Clerus frequensq; populus conuenisset, Ildephonsus ad sepulchrū Virginis accedens, flexis genibus, orabat: & ecce reserato repentinè sarcophago Leocadia sanctissima prodijt: videntibusq; cunctis & audientibus, Ildephonsi merita de Virgine MARIA commendauit, dicens: O Ildephonse, per te viuît Domina mea, quæ cæli culmina tenet. Illa verò recedente, Ildephonsus, arrepto Reccesuinthi, qui fortè tunc aderat, gladiolo, vel laminis partem, quo caput

Leo-

Leocadiæ tegebatur, refecuit, eamq; cum regio simul cultro, celebri pompa, in sacrum intulit; ubi usq; hodie seruatur. R. Ille est.

Lectio viij.

Scripsit multa luculento sermone; sed varijs molestiarum occupationibus impeditus, aliqua imperfecta reliquit. Obijt tandem feliciter, cum sedisset in Episcopatu annos nouem, menses duos; sepultusq; est in Basilica Leocadiæ circa annum Domini sexcentesium sexagesimum septimum, Reccesuintho in Hispania regnante. Cuius corpus in generali à Saracenis Hispaniarum occupatione, in ciuitatem Zamorensem translatus est, & in Ecclesia Beati Petri honorifice quiescens, magna illius populi religione colitur.

R. Iustum deduxit.

In iij. Noct. Homil. Vos estis sal terræ.

R. x. In medio.

Missa Doct. sine Credo.

Lectio xij. de S. Emerentiana, comm. eius in Laud. & Missa.

In secundis Vesperis commem.

S. Timothei Episc. & Martyr.

DIE XXX. IANVARII.

In festo S. ADELELMII Abbatis, duplex.

Omnia de Communi Abbatum, præter ea, quæ hic sunt propria. ORATIO.

DEus, qui nos Beati Adelelmi Abbatis præclaris virtutum exemplis erudiri voluisti: concede propitius, ut quod te donante, deuotè promissimus, eiusdem patrocinio fideliter adimplere valeamus. Per Dominum.

Comm. præced. S. Franc. Salesy.

In 1. Noctur. Lect. Iustus si morte. de comm. Conf. non Pontificis.

In secundo Nocturno.

Lectio v.

Adelelmus Lugduni, quod est oppidum Galliæ, illustri Christianaq; ortus familia, puer litterarum studijs operam dedit; adolescens vero coactus est à parentibus militiam sectari; in qua ita se gessit, ut expers per omnia illorum vitiorum fuerit, quibus illud hominum genus immergi solet. Parentibus defunctis, cum aliquando illud ex Euangelio audisset: Si vis perfectus esse, vade & vende omnia, quæ habes, & da pauperibus, & veni, sequere me; patrimonio pauperibus distributo, vile sibi indumentum induens, ac mendicans,

A 3

Ro-

Romam properauit, ubi cum ferè biennium orationibus, ieiunijs, carnisq; afflictionibus, intendisset, tandem ad Robertum Casæ Dei Abbatem, quem ante Romanam professionem inuiserat, reuertitur.

R. Honestum fecit.

Lectio vj.

Post mutuam congratulationem, monasticam ibi vitam professus est, in qua multos languoros signo Crucis, & Dei gratiâ curauit. Deuolutis post aliquot annis, inuitus Casæ Dei Abbas creatus, virtutum omnium specimen exhibuit; sed quia diuinarum rerum contemplationi jam per negotia vacare, ut antea, non poterat, ut Christo plenius deseruiet, præfulatu se abdicauit. Eius verò fama iam longè lateque diffusa, omnes in admirationem sui verterat, cum Angliæ Regina lethargum patiens, speq; salutis prorsus amissa, nuntios ad eum misit: ut vel micam panis, cui ipse benedixisset, transmitteret, ad medelam.

R. Amauit eum.

Lectio vij.

Renuit initio Vir Sanctus: sed tandem precibus vi-

ctus, frumenti, mensuram misit, quo Regina primùm, mox quotquot per insulam morbo tenebantur, conualuerunt. Accitus post hæc literis Constantiæ Regiæ Alphonsi Sexti uxoris, in Hispaniam venit; ubi à Rege simul & Regina perhumanè susceptus, & habitus, quantæ esset virtutis, miraculo comprobauit. Nam per vada Tagi propè Toletum: cum Regius esset exercitus fortè trajiciendus, nullis vel qui equis valentibus vehebantur, fluminis æstui ripas, ex solutis niuib; occupantis satis fidentibus, Adelelmus debili asello insidens, pronuntiato ex psalmis oraculo: hi in curribus & hi in equis: nos autem in Nomine Domini; unda rû globos cum omnium stupore tranauit.

R. Iste homo.

Lectio viij.

Ceterùm cum copiam faceret Adelelmo deligendi sibi locum ad habitandû, quem maximè vellet; sacellû S. Ioannis Euangelistæ, quod in suburbio Burgorum Urbis Rex ipse construxerat, petijt, & reliquo vitæ tempore peregrinis, & pauperibus ministras

nistrans frequentauit; ubi feliciter migravit ad Dominū, atq; ibidem insigne monumētum eius reliquias continēs, ac nomen referens conspiciatur. Claruit S. Adelelmus in Hispania, Alphonso Sexto, & Constantia secunda eius uxore, Ludouici Francorum Regis filiā regnantibus.

R. Desiderium animæ.

In tertio Noct. Homil. in Euangel. Ecce nos reliquimus omnia. *Missæ de Communi Abbatum.* Os iusti.

In ij. Vesperis à Capitulo de Sancto Petro Nolasco, commem. præcedent.

DIE II. FEBRUARII.

In festo S. LAURENTII Episc. & Confes. dupl. juxta Martyrol. Rom.

Omnia de Comm. Conf. Pont. Oratio. Da quæsumus. *de eodem Communi.*

In primo Noctur. Lektionen de Scriptura occurrente.

In secundo Nocturno.

Lectio ij.

LAurentius unus fuit ex ijs Monachis sanctissimis, quos à Beato Gregorio Divus Augustinus Archiepiscopus

Cantuariensis ad prædicandū Christi Euangelium in Anglia sodales accepit, quem etiam ipse, adhuc viuens sibi in Episcopatu successorem ordinauit, ne se defuncto status Ecclesiæ tam rudis, vel ad horam Pastore destitutys vacillaret, imitatus in hoc Apostolorum Principem, qui Clementem sibi adiutorē simul, & successorem consecrassē perhibetur. Laurentius igitur Archiepiscopatus gradu potitus strenuè curauit, nouæ Ecclesiæ iacta in Anglia fundamenta ad profectum debiti culminis verbo & exemplo prouehere, adeoq; ardentem in eam curam incubuit, ut Scotos etiam, & Britannos conatus sit ad Ecclesiæ Catholicæ conformitatem reducere, qui circa Paschæ celebrationem, & similia ab eius consuetudine deuiauerāt.

R. Inueni Dauid.

Lectio vj.

CVM autem vitā sanctus esset Ethilbertus Angliæ Rex, qui ad Augustini prædicationem primus Christo nomen dederat, eiq; successisset filius, tali patre prorsus indignus, quippe qui non tan-

tum fidem Christi auerfabatur, quin etiam inaudita gētibz libidine, iuxta Apostoli dictum se polluerat, accipiens Nouercam in uxorem, genti suæ aditum patefecit ad pristinum, pessimumq; viuendi morem reuertendi. Accessit huic ex vicino malo nō contemnendum incrementum: ex humanis enim sublato Saxonum Orientaliū Rege Seberecto, regnoq; eius à tribz filijs, qui in infidelitate perseuerauerant, occupato, mox Idolis, cæperunt palàm seruire, ac abiurata Christi fide, passim populi ad falsam religionem reuersi sunt.

R. Posui adiutorium,

Lectio vij.

EO turbine in fugam versus Mellitus Saxonum Episcopus, ad Laurentium se contulit, accitoq; Iusto Coepiscopo, quid facto opus esset sedulo consulentes, in patriā redire decreuerunt, ut ibi Domino liberiùs deseruierēt, qui inter rebelles fidei Barbaros diutiùs commorantes, sterili, ut sibi videbatur, otio indulgebant. Priores discessere Iustus & Mellitus; quos insequuturus Laurentio, stratum sibi Angliam relicturo,

ea nocte in Ecclesia Sanctorū Apostolorum Petri & Pauli parari, mandauit; in quo post multas preces, & lacrymas ad Deum pro Ecclesiæ suæ statu deuotissimè fufas, somno oppressus quieuit.

R. Iste est qui ante.

Lectio viij.

Sed ecce quiescente Archiepiscopo, adest Apostolorum princeps Petrus, qui eum ad multam noctem flagellis acerbissimè cædens, Apostolica auctoritate sciscitabatur, cur gregem sibi ab ipso creditum desereret, vel cui pastori oues in medio luporum positas fugiens ipse relinqueret; En mei, inquit, oblitus es exempli, qui pro paruulis mihi à Christo in sui amoris erga me signum commissis verbera, carceres, afflictiones, mortem deniq; ipsam, & mortem quidem crucis cum ipso pertuli. Hisce verberibus, & exhortationibus animatus Laurentius, manē Regem adit, reiectoq; vestimento, plagarum ei stigmata ostendit, facinorisq; auctorem quærenti, rem omnem ut se habebat, ordine exponit. Rex primùm vehementer obstupuit; inde in se reuersus,

sus, cultu Idolorum abiecto, illegitimam uxorem repulit, & fide Christi suscepta, eam deinceps mirificè propagavit, quo superstite, naturæ concedens Laurentius, regnū cæleste conscendit quarto Nonas Februarij.

R. Iustum deduxit.

In ij. Noctur. Homil. in Evang. Homo peregrè. de Comuni Conf. Pont.

Lectio xy. de S. Blasio, comm. eius in Laud. & Missa. Statuit. de Comuni Confessoris Pontificis.

DIE XVII. FEBRVARII.

S. HELLADII Episcopi & Confessoris. Duplex.

ORATIO.

DEus, qui populo æternæ salutis Beatum Helladiū ministrum concessisti: præsta quæsumus; ut qui executor mandatorum tuorum extitit in terris, intercessor noster semper esse dignetur in cælis. Per Dñm nostrum.

Et sit comm: S. Simeonis Episcopi & Martyr.

In primo Noct. Lect. Fidelis sermo.

In secundo Nocturno.

Sermo S. Ildephosi Episcopi.

Lectio v.

Helladius Episcopus post Aurasium, sedis eius adeptus est locum. Hic, cū regiæ aulæ illustrissimus, publicarumq; rector existeret rerum, sub sæculari habitu votum Monachi explebat, & opus. Nam ad Monasterium meum (illud Agaliense dico) cuius me susceptio Monachū tenuit, quod munere Dei, perennisq; ac patentis sanctitatis decore, & inopinabile cūctis, & palàm est totis: cū sæpè discursantium negotiorum ductus itinere perueniret, remotā clientum, sæcularisq; pompā decoris, adeo Monachorum peculiaritatibus inhærebat, ut turmis iūctus eorum, stipularum fasciculos ad clibanum deportaret. R. Inueni David.

Lectio vj.

Cvm quo inter decorem, in solētiamq; sæculi, solitudinis & amaret, & sectaretur arcana, celeri fuga, relictis omnibus, quæ esse nouerat mundi, adiit sanctum Monasterium, quod frequentauerat voto: venitq; permanens optati voti usu. Ibi factus

ctus Monachus pariter meritis, & studijs sanctis vitam Monachorum debite rexit: & statum Monasterij totius rei communis diuitijs cumulauit. & Posui adiutorium.

Lectio vij.

EX hoc fessis penè senio artubus, ad Pontificatus apicem euocatur, & quia vocaretur, victus pariter, & inuitus illic maiorum virtutum exempla, quam Monachus dedit: quia statum mundi, què contempsit virtute magna, perhibetur rexisse discretione. Miserationes, eleemosynarumq; copias tam largiter egenis contulisse probatur, ac si illius stomacho putares inopum & artus pendere, & viscera confoueri.

& iste est.

Lectio viij.

Scribere renuit: quia quod scribendum erat quotidiana operationis pagina demonstrauit. Me ad Monasterium rediens memoratum, ultimo uitæ tempore Leuitam fecit. Senex obiit: decem, & octo annos sacrum regimen tenuit, temporibus Sisibuti, Suntillani, & exordijs Sisenandi Regum. Beatus habitus fuit: & post beatam gloriam, cæ-

lestis Regni bona plenus senectute promeruit. Hactenò S. Ildephonsus. Obijt autem anno Christi sexcentesimo vigesimo quarto.

& Iustum deduxit.

In tertio Noctur. Hom. Vos estis sal terræ. de Communi Doctor.

Lectio xii. de S. Simone, & sit commm. in Laud. & Missa de Communi Doctor sine Credo.

Oratio propria.

DIE XXVII. FEBRVARII.

In Festo S. LEANDRI Episcopi Confess. & Doctor. Dupl.

Omnia de Communi Confessoris Pontific. & Doctor.

Ad Magnif. in utriusq; Vesp.

O Doctor optime.

ORATIO.

DEus, qui Arianam prauitatem Beati Leandri Confessoris tui atq; Pontificis doctrinâ & meritis ab Hispania repulisti: da plebi tuæ, ut eius intercessione, ab omni errorum ac vitiorum labe semper liberi conseruemur. Per Dominum.

In secundo Nocturno.

Lectio v.

Leander Archiepiscopus Hispalensis, Patre Seuariano viro clarissimo, & Matre Theodora ortus est. Fratres

tres habuit Isidorum Hispanensem Archiepiscopum, & Fulgentium Episcopum Astigitanum, doctrina & sanctitate præstantissimos, & Florentiam (quam alij Florentinam vocant) Virginem religiosissimam; quos ipse maior natu accuratissimè in omni virtutum & disciplinarum cultu instruxerat: lucebat enim in eo iam à teneris annis castissimæ vitæ integritas, & morum gravitas, quam incomparabilis diurnarum humanarumq; litterarum doctrina illustrabat. Gliscente eo tempore in servos Dei hæreticorum furore sub Vuisigothis Principibus, qui cum imperio Arianam impietatem in Hispaniam inuexerant, & eius Ecclesias miserè vexabant, publicæ calamitatis pertæsus, se in religiosum secessum recepit, ut in eo sub Regna S. Benedicti sanctius Deo inferuiret, & pijs studiis, & meditationibus exerce-ret. Sed noluit Deus clarissimam lucernam in occulto delitescere, sed in fastigio Ecclesiæ positam toti Hispaniæ præluce. Nam Clero & populo exposcente, à Monasterio extractus, Archiepi-

scopus Hispalensis creatus est.
R. Inveni David.

Lectio vj.

SVsceptam Ecclesiam omni cura & solitudine gubernavit, & ut peritus nauticus nauim in medijs tempestatibus saluam semper & incolumem ab omni impietatis errore conseruauit. Cleri & populi mores correxit; solemniam Ecclesiæ officia, Hymnodiam, Sacræ Missæ ritus, precesq; quibus eo tēpore omnes Hispaniæ Ecclesiæ utebantur, ordinavit & auxit: Monachis & Sacris Virgini-bus præcepta dedit. Rebus autem Ecclesiæ ita compositis, Constantinopolim pro causis fidei Visigothorum Legatus profectus est; ubi ob proximam religionem & doctrinam multis in magna fuit æstimatione, Sancto Gregorio præcipuè tunc Romani Pontificis Apocryfario, quo cum magna ei necessitudo & familiaritas iam inde intercessit, à quo postea ad Romanam Sedem assumpto, ipse in in Ecclesiam suam reuersus, frequentes litteras, easq; beneuolentiâ plenas, & palij ornamentum, & morales in Iob Commentarios suo

rogatu conscriptos accepit.

R. Posui adiutorium.

Lectio vij.

CVM aurem Hermenegildus Leouigildi Regis filio Leandri sermonibus conuersus fidei confessionem gloriosa sanguinis effusione confirmasset, inflammatus nouo furore Pater, Ecclesias facultatibus, & Pastoribus orbauit, Leandro inprimis (cuius in propaganda religione maior erat autoritas) & alijs Episcopis exilio mulctatis: nec tamen in ipso exilio cessauit cum fidei hostibus liberè decertare editis doctissimis libris, quibus eorum perfidiam confutauit.

R. Ille est.

Lectio viij.

Affulsit tandem Ecclesiæ post illam tempestatem optata serenitas. Rex enim, cum in morbum incidisset, morte imminente, ad meliorem mentem reuersus, Leandrum cum alijs Episcopis ab exilio reuocari iussit, eique Reccaredi filij curam dedit, filio etiam Ecclesias instaurare, & Leandri consilij in omnibus obsequi imperauit. Mox defuncto patre, pius Reccaredus quidquid ille mā-

dauerat, fideliter adimpleuit. Leandri verò doctrina Gothi ad fidem conuersis, Hispaniæ Episcopi in Toletana Synodo conuenerunt, in qua Sanctus Doctor elegatissima concione Patribus de gentis conuersione congratulatus est, multaq; ad fidem, & disciplinam Ecclesiæ sancientiam, tum in Synodo, tum in altera, quam postea Hispali celebrauit, constitui curauit. Demum religione restituta, & Ecclesiæ pace firmata, iam octogenario maior, cum Ecclesiam, quadraginta, & amplius annis sanctissime rexisset, tertio Kaledas Martij migravit ad Dominum. Sepultus est in Basilica Sanctorum Virginum Iustæ & Rufinæ: postea eius corpus in Hispalensem Ecclesiam translatum est.

R. Iustum deduxit.

In tertio Nocturno, Homil. Vos estis sal terræ. de Communi Doctor. R. x. In medio. Missa de Communi Docto. In medio Oratio propria, & dicitur Credo.

DIE I. MARTII.

In Festo S. RUDESINDI Episc. & Confessoris, Duplex.

Omnia de Communi Confes. & Pontif.

Pontif. præter ea, quæ hic habentur.

ORATIO.

Propitiare quæsumus Domine, nobis famulis, tuis per Sancti Confessoris tui atque Pontificis Rudesindi merita gloriosa; ut eius pia intercessione ab omnibus semper protegamur aduersis. Per Dominum nostrum.

Deinde fit commemor. Ferie, si in Quadragesima venerit.

In primo Nocturno. Fidelis sermo. ut in Communi Confess. Pontific.

In secundo Nocturno.

Lectio v.

Rudesindus natione Callæicus, Parentibus Regij generis Guterio, & Ilduara, qualis esset futurus, eius conceptio satis ostendit. Multis enim ac largis in pauperes elemosynis, orationibus, & lacrymis cum vacaret Ilduara, ab Angelo præmonita est, se concepturam filium, qui, & apud Deum magni futurus esset mriti, & apud homines præcipuo sanctitatis nomine. Pridie igitur solemnitatis Sanctorum Martyrum Facundi & Primitiui Rudesindum peperit, qui dies propterea semper illis sacer ac

B3

festiuus, quamdiu vixerunt, fuit. R. Inueni David.

Lectio vj.

Construxit præterea Ilduara in honorem Archangelii Michæelis Ecclesiâ eo loco, ubi ab Angelo certior facta est se concepturâ. Rudesindo itaque ab ipsa pueritia Dñi legem meditans, breui admodum in virum Apostolicum creuit. Quapropter ab Ecclesiæ Dumienfis, quæ Bracharenfi unita est, clero, magno omnium consensu Episcopus eligitur, Rege, atq; proceribus mirè gaudentibus: nota enim illis erat Rudesindi: sanctitas & eruditio.

R. Posui adiutorium.

Lectio vij.

Præful ergo Dumienfis factus, multis virtutibus claruit. Splenduerè certè in Rudesindo præter cæteras doctes, profusæ in pauperes elemosynæ, Ecclesiarum, aut iam dirutarum, aut ruinâ minantium instauratio, aut nouarum constructio, atq; Euangelicæ doctrinæ frequentissima prædicatio. Assumpto deinde ad Minduniensem, & Triensem Episcopatum, ubi tunc Apostoli Iacobi corpus conditum erat, maiore in dies fru-

es fru-

es fructu Christiano populo præerat. Deniq; insigne Monachorum cænobium in proprijs condidit prædijs, quæ illi amplissima, & opulentissima parentum testamento cōtulerant.

R. Ille est.

Lectio viij.

Nomen Cænobio Cellanoua, quod religione, & augustâ structurâ etiam hodie spectatissimum est. In quo Monasticam sub B. Benedicti Regula vitam annos aliquot agens migravit ad Dominum Kalendis Martij, editis multis in vita, & post obitum miraculis. Eius corpus, usq; ad hodiernum diem in eodem Cænobio quiescit, ac magnâ præcipuè Callaicorum, & Lusitanorum frequentiâ semper inuisitur. Claruit S. Rudesindus anno Dñi nongentesimo trigesimo, & sequentibus, quem Cælestinus tertius, dū in minoribus esset à terra leuauit, deinde Pontifex factus in Sanctorum Cathalogum retulit, anno salutis millesimo centesimo nonagesimo sexto. R. Iustum deduxit Dominus

In tertio Nocturno. Homil. in Euang. Sint Iambi. de Comuni Conf. non Pontif.

Festa Martij:

Lectio xij. de Feria, si venerit in Quadrages. comm. eius in Laud. & Missa.

Missæ. Sacerdotes. de Comuni Conf. Pontif. Oratio propria.

In ij. Vesperis à Capit. de S. Suitberto; commemor. S. Rudesindi, & feria, si venerit in Quadragesima.

DIE II. MARTII.

In Festo S. SUITBERTI Episc. & Confess. Duplex.

ORATIO.

EXaudi, quæsumus Domine, preces nostras, & in tercedente Beato Suitberto Confessore tuo atque Pontifice: supplicationes nostras placatus intende. Per Dominum nostrum.

Commem. præced. & Feria, si venerit in Quadrag.

In primo Nocturn. Lectio. Fidelis sermo. de Comuni.

In secundo Nocturno

Lectio v.

Suitbertus Episcopus & Confessor, secundus nominatur inter duodecim illos Apostolicos viros, qui ex Anglia venerunt, fidem prædicaturi Frisij, Hollandis, & vicinis; ex quibus Suitberto adhuc presbyter multos ad Christum conuertit. Cumq; per

per eum, & Vuillibrordum numerus credentium quotidie augetur, ex petitione fratrum in Traiecto & Frisia, uterq; consensit, ut Episcopus consecraretur. Vnde Suitbertus in Angliam rediens, consecratus est à S. Vuilfrido Episcopo Merciorum.

R. Inueni David.

Lectio vj.

Hic ergo inter duodecim illos prædicationis socios specialiter nominatur Apostolus Teisterbandiæ, Vuestphaliæ, & Borustiariorum: conuertit enim ad fidem Comitatum Teisterbandiæ, cum tota ferè Batua, ac magna inferioris Frisiæ parte. Teisterbandiæ verò hodie partem sibi vendicat Hollandia, partem Geldria. In quibus locis multas Suitbertus ædificauit Ecclesias, multa etiam templa, Idolorum superstitionibus eliminatis, vero Deo consecrauit. Plebemq; per ipsum conuersam orationibus protegebat assiduus, & admonitionibus saluberrimis ad cælestia vocabat.

R. Posui adiutorium.

Lectio vij.

Huius Apostolici viri sanctitate motus Pipinus il-

lustris Princeps, vicum Vuerdam ad Rheni fluuij ripas situm ei donauit. Cumq; ex Sanctorum Monachorum conuersatione & meritis profectum ac firmamentum sui principatus optaret: obtulit ei simul copiosum pecuniarum thesaurum, quibus Episcopus Monasterium Ordinis D. Benedicti ædificauit, in quo non mediocre famulorum Christi agmen collegit, & gubernauit. R. Ille est.

Lectio viij.

O Bijt hic Sanctissimus Episcopus Kalendis Martij, anno Domini septingentesimo decimo septimo, post multorum populorum ad Christi fidem conuersionem, sepultusq; est in suo Monasterio, in Vuerda Caesaris. Vbi ad sepulchrum eius infirmi sanabatur, cæci visum, claudigressum, febricitantes incolumitatem impetrabant. Quare Pipinus, Caroli Martelli filius, Vicum Vuerdam in Castrum conuertit, cum inuocato Suitberto, meritis eius insignem victoriam contra Paganos obtinuisset. Et hodie Vuerda in Ducatu Cluiæ, ubi Traiectenses olim Suitberti, quem suum Apostolum vocant,

vocant, beneficio, ab Archiepiscopis, & Cæsaribus, libertatem à vectigalibus impetrarunt.

R. Iustum deduxit.

In tertio Noctur. Homil. in Euang. Homo quidam peregrè. de Communi.

Lectio xj. de Feria, si venerit in Quadrag. commem. eius in Missa & Vesp.

Missæ. Statuit. de Communi. Oratio propria.

DIE III. MARTII.

In Festo S. CHUNEGUNDIS Virginis, Duplex.

Omnia de Comm. Virg. præter qua hic assignantur.

ORATIO.

DEus qui B. Chunegundi Virgini tuæ terrena despicere, & ad cælestis Imperij culmen anhelare tribuisti: concede quæsumus, ut eius imitatione calcatis mundi illecebris, ad gaudia æterna sæcuri peruenire valeamus. Per Dominum.

Lectio primi Noct. De Virginitatibus præceptum.

Lectio v.

CHunegundis augusta Germanorum nobilissima, ab ineunte ætate præclara exhibuit sanctitatis indicia, ac Deiparæ Virginis, cui se to-

tam addixerat, patrocinio, mundi illecebras & fluxas carnis voluptates, ea morum seueritate coercuit, ut Virginitatem quoque perpetuam colere, atque Angelicam in terris vitam agere proposuerit. Verum Parentum iussis, qui illam in Matrimonium desponderant, obtemperare coacta, illud à cælesti Sponso, qui passcitur inter lilia, precibus efflagitavit, ut quem susciperet virum, virginitatis suæ custodem inueniret.

Lectio vj.

HENRICO itaque Bauariæ Duci, cognomento pio, postea Romanorum Imperatori, in Matrimonium tradita, raro exemplo virginitatem ipso annuente illibatam seruauit, in cuius testimonium cum aliquando, instigante humani generis hoste suspicio quædam contra ipsam fuisset exorta, nudis pedibus super ignitos vomeres incedens illæsa, egregium suæ innocentie præbuit argumentum, quod Sancto ipse Henricus supremo mortis tempore appropinquans abundantius declarauit; accitis namque Imperij Proceribus, aliisque Principibus viris, ac Sanctæ Virginis consanguine-

guineis. Quam mihi (inquit) eam assignastis talem reddo : Virginem dedistis, Virginem reddo.

Lectio vij.

Singulari erga Ecclesias pietate prædita S. Henricū coniugem suum, ad eas construendas & locupletandas, exhortationibus incitavit, opibus adiuuit. Bambergensem itaq; Episcopatum proprijs facultatibus fundatum, Beatorū Apostolorum Principi Romanæq; Ecclesiæ vetustigalem fecerunt, pluribus alijs templis & Cænobijs, Cæsarea planè munificentia locupletatis. Cumq; penè omnia quæ habebat in terris Christi Ecclesijs ac pauperibus distribuisset : seipsam quoq; defuncto viro, in IESV Christi obsequium impendit, ac S. Patris Benedicti Regulam professā ; & Regnum mundi & omnem ornatum sæculi ingenti animi demissione contemnens, sanctum Religiosæ vitæ propositum usq; ad mortem exactissime custodiuit.

Lectio viij.

Ivgi itaq; virtutum exercitio, cum annos quindecim in Cænobio, bonorum ope-

rum meritis cumulata transgisset ; ad cælestis agni nuptias, quas unicè optauerat inuitata, sancto fine quieuit. Famulæ suæ sanctitatem Deus illicò multis & crebris miraculis demonstravit ; nam ad eius tumulum, cæci visum, claudī gressum, surdi auditū, muti loquelam, alijsq; multis ac diuturnis languoribus affecti, salutem retulerunt, sed illud inprimis nobile, quod pulvis de sepulchro eiꝰ assūptus sæpè in frumentum conueriti repertus est. Quibus ritè probatis ab Innocentio III Pontificè Maximo Sanctarū Virginum est numero adscripta.

Homil. in Euang. Simile est Regnum cælorum decem Virginibus.

DIE VIII. MARTII.

In Festo S. VEREMUNDI Abbat. Duplex.

Oratio. Intercessio. de Comuni Abbatum.

In secundo Nocturno.

Lectio v.

Veremundus natione Nauarrus, clarissimis ortus parentibus ex vico Villatorum, vel, ut alijs placet, ab Areillano ad radices Montis Iurræ à Stella Ciuitate duorum

rum ferè passuum millibus distantis. Paruulus adhuc, relicta domo, rebusq; patris, Deo militaturus, Monasteriũ Hirachenſe, Ordinis S. Benedicti, sub disciplina Munij Abbatis ingreſſus eſt. Vbi mirum dictu, quanta morum integritate, quanta virtutum perfectione, vel in ipſa pueritia reliquos ſui temporis ſuperabat: cilicio, ieiunijs, vigilijs, & orationibus domabat corpus, ne grauaret animam.

R. Honeſtum fecit illum.

Lectio vj.

CÆterum cùm in dies ſemper iret de virtute in virtutem, in mortui Abbatis auunculi ſui locum ſufficitur. Paſtor electus non mores mutauit; ſed & cæteros, & ſe ipſum virtutibus quotidie ſuperabat: quod miraculorũ ſigna frequenter manifeſtabant, ſiue dum futura prædicat, ſiue dum meſſes Monaſterijs in area ardentes, oratione ſola extinguit, ſiue dum latrones, greges & armenta Monaſterij deprædantes permanere immobiles facit, ſiue dum dæmones à corporibus obſeſſis relegat, ſiue dum cæcos illuminat, & infirmos ſa-

nat, ſiue denique dum pluuias, & alia poſtulata à populo, à Deo impetrat,

R. Amavit eum.

Lectio vij.

PRÆter cætera tamen in pauperes & alios fideles munificentiffimus fuit; quomobrem mira & ſtupenda per ipſum operatus eſt Dominus. Contigit enim (inter alia multa) ut ingens famas totum regnum Nauarræ depopularetur; qua miſerabili plaga coacti, multi ad ſanctũ virũ, eleemoſynã petaturi, conſuebant. Ingraueſcente verò in dies fame, multitudo circiter trium hominũ millium conuenit. Verũ cùm domi non eſſet, unde tanta multitudo reficeretur, ingens clamor & ululatus oritur; nam fame conſectis vix erant vires quoquam eundi: quare periclitandum erat, niſi à Patre ſubueniretur. R. Iſte eſt.

Lectio viij.

QVod mirandum ſpectaculum vehementer dolens, acceſſit ad altare, ſacrũ peracturus: ecce dum ad illũ locum deuentum eſſet, in quo Sacerdos orat pro populo, & lacrymis à Deo poſtularet

laret auxilium, columba alba de cælo descendens super singulorum capita, quasi illos tangens volitabat, atq; mox, cunctis videntibus, in cælum redijt. Quo tantum virium, tantamq; saturitatem unusquisq; sensit, ac si splendidissimis, & varijs cibus esset refectus. Qua de re Deo gratias exhibentes, læti redierunt ad propria. His igitur, & alijs miraculis, Monasterium, quod satis illustre tota Hispania, Veremundus accepit, insignis fama sanctitatis reddidit augustius Felici. Tandem resolutus morte migravit ad Christum anno Domini millesimo nonagesimo secundo, octavo Idus Martij, cum Monasterium Hirachense rexisset quadraginta & amplius annis.

R. Desiderium.

In tertio Nocturno, Homilia
Ecce nos reliquimus. *de Communi Abbatum.*

LECTIO xy. de feria, si venerit in Quadrages. Commem. eius in Laudibus, & Missa. Abbat.
Os iusti.

In y. Vesp. à Cap. de S. Francisca, cum comm. S. Veremundi, & feria.

Missa de Communi Abbatum.
Os iusti.

DIE XI. MARTII.

S. VINCENTII Martyris, & Abbatis. *duplex.*

Omnia de Communi unius Martyris, præter ea, quæ hic sunt propria.

ORATIO.

PReces populi tui, quæsumus Domine, clementer exaudi; ut Beati Vincentij Martyris tui atq; Abbatis meritis adiuuemur, cuius passionelætamur. Per Dñum.

Et fit comm. SS. Quadragesima Mart. & Feria, & S. Eulogij Martyris. ORATIO.

Presta quæsumus omnipotens Deus, ut qui Beati Eulogij Martyris tui natalitia colimus, intercessione eius in tui nominis amore roboreremur. Per Dñum.

In primo Noct. Lectiones Debitores sumus. de Communi plur. Mart.

In secundo Nocturno.

LECTIO v

Vincentius Abbas Cænobij Sanctorum Martyrum Claudij, Lupertij, & Victorij in Suburbio Legionis Urbis, vir orthodoxæ fidei, Monasticæq; disciplinæ observantissimus, cum ab Arianis, quorū bona pars per ea tempora in Gallæcia à Gothorum Regibus

bus iam Catholicis, identidē deficiebat, nequaquam adduci posset, ut in eorum dogma à recta fide deflesteret, quin potius eorum perfidiam, & errores detestatus, publicis concionibus & disputationibus in his profligandis totus incumberet, ab eis in conciliabulum adductus, varieq; circa fidei confessionem, ut vel à Catholicis duntaxat verbis discederet, tentatus est.

R. Honestum.

Lectio vj.

Vincentius verò primùm illis prauam, quam de Trinitate sententiam, Evangelica reclamante veritate, tuebantur, exprobrauit: deinde Nicænæ Synodi auctoritatem obijciens, mortem se potius subiturum, quàm in aliquo, quamvis modico, ab ea descisceret professus est. Quo responso irritati, vestibus spoliatum, acerbissimè flagellant, flagellatum in obscurissimum carcerem tradūt. Vbi ab Angelo multa luce carcerem illustante visitatus, pristinaeq; valetudini restitutus est. Postridie autē, cum altissima voce coram omnibus ex fidei symbolo illud,

quo præcipuè Ariana hæresis damnatur, recitasset, scilicet: Nihil prius, aut posterius: Nihil maius aut minus, sed totæ tres personæ cœternæ sibi sunt, & cœquales, morti addicitur.

R. Desiderium animæ.

Lectio vij.

Iussus est autem occidi iuxta sui Cænobij fores. Quòd cum duceretur, verbaq; illa Christi in Cruce pendentis subinde repeteret: Pater ignosce illis, quia nesciunt quid faciunt, quidam ex satellitibus gladio ingenti vulnerare caput illius percussit: quo ictu corruens Spiritum Domino reddidit, ætatis suæ anno quadagesimo septimo, Domini verò sexcentesimo trigésimo. Eius corpus Monachi noctu rapientes iuxta Ecclesiæ parietem sepelierūt ad Occidentem. Quibus vigilantibus visus est inter Martyrum choros eis prædicens, adesse martyrij tempus, si qui cuperent, aut oportere illos relicto cænobio in abditissimis se locis occultare.

R. Stola iucunditatis.

Lectio viij.

Monachi ergo fuga sibi consulentes, in Gallæciam

am se contulerunt, ubi aliud
cænobium ædificarunt cui ex
relictis nomenclaturam in-
diderunt, S. Claudij similiter
appellantes. Quod à nigris,
quales erant primi illi condi-
tores, longo tempore inha-
bitatum, hodie à Cisterciën-
sibus Monachis, qui ab illis
originem ducunt, incolitur.
Corpus verò S. Vincentij di-
uino nutu postea repertum,
& Ouetum deportatum, in
Cathedrali Ecclesia argentea
Theca reconditum asserua-
tur, quam illi ex voto suis im-
pensis construi curauit Magi-
ster Garcias eiusdem Ecclesiæ
Archidiaconus, anno Domi-
ni millesimo ducentesimo se-
xagesimo octauo.

R. Posuisti Domine.

*In tertio Noctur. Homil. in E-
uang. Si quis vult. de Commu-
ni unius Martyr.*

*Lectio xij. R. & comm. feria,
& S. Eulogij in Laud. & Mis-
sa. Quæ erit in virtute.*

*In ij. Vesp. à Capit. de S. Gre-
gorio Papa Confes. comm. præ-
ced. & feria.*

DIE XIII. MARTII.
SS. RAMIRII, & Sociorum
Mart. Duplex.

*Omnia de Communi plurimo-
rum Martyrum.*

ORATIO.

DEus, qui nos concedis
Sanctorum Martyrum tu-
orum Ramiri & sociorum e-
ius natalitia colere: da no-
bis, in æterna beatitudine
de eorum societate gaudere,
Per Dominum.

*Deinde fit commem. S. Grego-
rij, & feria.*

In secundo Nocturno.

Lectio v.

RAmirus Monasterij Sancti
Claudij Legionensis Prior
fuit eo tempore, quo Sanctus
Abbas Vincentius Martyrio
sublatus est. Ab ipso autem
de instante persecutione per-
visionem præmonitus, con-
gregatis in unum fratribus,
quæ ventura erant, graui ser-
mone intimauit: ut qui con-
stanti animo erāt, se ad mor-
tem pro fide subeundam, pijs
exercitationibus præpararēt.
Ceteri verò, sicut Christus in
Euangelio permisit, fuga sibi
consulerent.

R. Sancti tui.

Lectio vj.

Illis igitur, qui pusillo ani-
mo erant, segregatis, & ad
montana Gallæciæ dimissis,
ipse cum duodecim Mona-
chis, quos ad martyrij agonē
Spiritus Sanctus selegerat, in

Eccle-

Ecclesiam profectus, eos hortabatur, ut paratam sibi coronam læto animo exciperent; votisque ardentibus ad promissum beatitudinis premium anhelarent. Orantibus autem illis, & agonem suum Domino commendantibus, cum ingenti furore, & impetu aduenerunt Arianæ, quibus Beatus Ramirus ianuas aperiri mandauit.

R. Verbera carnificum.

Lectio vij.

Christi verò milites eorum aspectum minimè formidantes, symbolum fidei alta & intelligibili voce cantare cæperunt; quò sæpius repetito, impij satellites, districtis gladijs, eos inuaserunt, eorumque corporibus discerpitis, intrantes in Monasterium, omnia igni tradiderunt. Nocte autem adueniente, dilaniata martyrum membra, pij fideles congregarunt, & in Ecclesia sepelierunt.

R. Tanquam aurum.

Lectio viij.

Ibidem longo tempore asseruata sunt, sed locus, in quo quiescebant; labentibus annis obliuioni traditus est, donec eiusdem Monasterij Abbas circa annum Domini

millesimum quingentesimū nonagesimum quartum, vetustissimi templi corruentes parietes instauraturus sub altari Sancto Ramiro dicato, loculum reperit ex lapide impolito, in quo ipsius ossa reperit, quæ in nouo altari magnificentius extracto, argentea theca inclusa, collocata sunt, atque ibidem magna populi veneratione propter crebra miracula coluntur.

R. Certamen.

In ij. Noctur. Homil. in Euangel. Cùm audieritis. de Communi.

Lectio xy. cum suo R. de fer. occurrente & commem. de ea in Laud. & Vesp.

DIE IV. APRILIS.

In Festo S. ISIDORI Archiepiscopi Hispal. Confes. &

Doct. Duplex.

Omnia de Communi Confessoris Pontif. præter ea, quæ hic sunt propria.

Antiph. ad Magnif. in utrisque Vesp. O Doctor.

ORATIO.

DEUS, qui populo tuo æternæ salutis Beatum Isidorum ministrum tribuisti: præsta quæsumus, ut quem doctorem vitæ habuimus in terris, intercessorem habere merea-

men
min
Aug
In
pier
mun

J
H
gius
cui
dom
Lea
spal
scop
is fa
dio
& in
nè,
mag
secut
huc
gent
latiss
iam
conf
ut p
neca
Lea
rem
se co
serua
tion
R.

mereamur in cælis. Per Dominum nostrum Iesum Christum Filium tuum.

In primo Noct. Lectiones. Sapientiam omnium. ut in Comuni Doctorum.

In secundo Nocturno.

Lectio v.

Isidorus natione Hispanus, Hispaniarum Doctor egregius, ex noua Carthagine, cui Pater ipsius Seuerianus dominabatur, à Sanctis Viris Leandro Archiepiscopo Hispalensi, & Fulgentio Episcopo Astigitano fratribus suis sanctè & liberaliter in studio literarum educatus est, & ingentem doctrinam Latine, Græcè, atq; Hebraicè cum magna nominis claritate cōsecutus. Hic adolescens adhuc hæresim Arianam, quæ gentem Gothorum Hispaniæ latissimè dominantem penitiam pridem inuaserat, tam constanter palàm arguebat, ut propè fuerit, ut ab Arianis necaretur; sed cohibitus, à Leandro, hunc sibi successorem fore, præfagiente: & ut se commodiori tempore reseruaret admonitus, indignationem temperauit.

℞. Inueni David.

Lectio vj.

Igitur Leandro vita functo, Isidorus magno Regis Recaredi, & populi consensu in Hispalensi Archiepiscopatu sufficitur. Quam electionem S. Gregorius Papa confirmauit, eiq; pallium misit in Hispaniam: Quantum verò Pontifex factus fuerit constans & humilis, patiens & benignus, compatiens miseris & pauperibus, & cunctis virtutibus insignitus, nullius lingua sufficeret ad narrandum. Construxit Monasteria, & Collegia ædificauit: in quibus studijs sacris, & diuinis lectionibus vacans, plurimos discipulos, qui ad eum confluebant, erudiuit, inter quos fuit B. Ildephonsus Toletanæ Ecclesiæ postea Archiepiscopus.

℞. Posui adiutorium.

Lectio vij.

Scripsit librum Ethymologiarum, & Sacri Canonis libros plurimos commentatus est, & tot, tantaq; alia volumina scripsit, ut humana vix vita tantis suffectura laboribus videatur. Sed qui Deo student, nihil non procliue sentiunt, nihil frustrà conantur, nihil non ex voto consequuntur. Fuit denique Isidori tanta doctrinæ & sanctita-

Citatis opinio, ut coacto Concilio generali, ultrò fuerit à Pontifice Maximo vocatus. Vbi mirum est, quâto ponderis & authoritatis habuerit in singulis rebus Isidori sententia apud Pontificem & omnes Prælatos.

R. Iste est qui.

Lectio viij.

Reuerſus autem in Hispaniam, cum suam mortem, & Hispaniæ vastationem à Saracenis, publicè prædixisset, migravit è vita pridie nonas Aprilis, anno Domini sexcentesimo trigesimo quinto, Sisenando in Hispania regnante: sepultusq; fuit Hispali. Inde postea translatus est in urbem Legionem à Fernando primo Castellæ simul & Legionis Rege, qui hoc ab Eneto Saraceno Hispali regnante magnis precibus & præmijs impetrauit. Cuius nomini templum ædificatum est Legionem, ubi sepultus, miraculis clarus colitur magna populi religione.

R. Iustum deduxit.

In tertio Nocturno, Homil.
Vos estis sal terræ. ut in Communi Doct. R. x. In medio.

Si celebratur in Quadrages.
Lect. xij. de Homil. feriæ cur-

rentis. Commem. eius in Missa, & Vesp.

Missæ de Communi Doct. & dicitur Credo.

In secundis Vesperis commem.
S. Vincentij Ferrerij Confes. semid. ad libitum.

DIE XVI. APRILIS.

S. TURIBII Episcopi & Confessoris, Duplex.

Omnia de Communi Confess.
Pontif. præter ea, quæ hic sunt propria.

ORATIO.

Deus, qui B. Turibij doctrina & prædicatione Priscilliani hæresim, in Hispania extinxisti: concede propitius, ut ipso pro nobis intercedente, quod fideliter credimus, operibus comprobemus. Per Dominum.

In secundo Nocturno.

Lectio v.

Turibius natione Hispanus, primùm Apostolicæ Sedis Notarius fuit. Huiusmodi enim titulo decoratur à Lucretio Episcopo in præfatione primi Concilij Bracharenſis. Deinde ad Austricensem Episcopatum assumptus, incredibili ardore fidem Catholicam tueri cæpit aduersus Priscillianistarum hæresim, iam olim in Hispania explo-

plosam, tunc denuò repullulantem. Quæ, cum eos etiã, qui aduersus eam dimicare debuissent, inficere cœpisset; visum est Turibio, ea de re Leonem Pontificem, huius nominis primum, certiolem facere, missis ad eum sexdecim articulis, quibus cuncti Priscillianistarũ errores, totidem anathematismis dammati continebantur.

R. Inueni David.

Lectio vj.

Leo, his acceptis litteris, occurrere huic malo malo maturè cupiens, insignem illam ad Turibium direxit Epistolam; quæ in numero epistolarum Leonis est nonagesima tertia. In qua zelum eius mirificè in primis commendat, inquit: Quàm laudabiliter pro Catholicæ fidei veritate mouearis, & quàm sollicitè dominico gregi deuotionem officij Pastoralis impendas, tradita nobis per Diaconum tuum fraternitatis tuæ scripta demonstrant. Quibus notitiæ nostræ insinuare curasti, qualis in regionibus vestris de antiqua pestilentia reliquijs errorum morbus exarserit.

R. Posui adiutorium.

Lectio vij.

D

Repetitis mox sexdecim illis à Turibio missis articulis, subiectaq; succincta singulorum confutatione, monet eum Leo, ut habito quæprimum inter Episcopos Hispanos Concilio, secundum ea, quæ ad eius scripta respondeat, plenissimo disquirantur examine: sint ne aliqui inter ipsos eiusdem hæresis contagio polluti, à communione sine dubio, nisi hæresibus abiuratis statim respiscant, separandi. Id, quod nauiter impletum est. Tunc enim coacta est secunda synodus Toletana, in qua, iuxta Leonis sancita, omnes Priscillianiani errores recisi sunt. Habita est autè hæc Synodus eodè anno, quo Leonis Epistola dicta est, scilicet Alipio, & Ardaburio Consulibus, anno Dñi quadringentesimo, quadregesimo septimo.

R. Ille est.

Lectio viij.

Decertauit etiam Turibius aduersus huiusmodi hæreticos per diuersas Hispaniæ regiones gladio verbi DEI, miraculis, doctrinæ eius veritatem cõprobantibus. Quorum testis fuit Palantia urbs Celtiberorum perantiqua, flumi-

fluminis ipsam alluentis insolita inundatione, propter Turbij contemptam prædicationem insigniter vexata. Decessit tandem Turibius senili ætate, bonis operibus plenus, sepultusque cernitur hodie in Cænobio Monachorum Diui Benedicti, eius nomini dicato ab ea Austurum montana, quæ Liebana Hispani vocant, in quo magna Crucis Dominicæ pars, aliæque insignes reliquæ, debita cum veneratione asseruantur. *R.* Iustum deduxit.

In tertio Noctur. Homil. in Euang. Homo quidam peregrè. de Communi. Missa. Statuit. sine Credo.

In secundis Vesperis commem. S. Aniceti, ut in Breuiario.

DIE XXI. APRILIS.

In Festo S. ANSELMI Episcopi Conf. & Doct. Duplex.

Omnia de Communi Confes. Pontif. & Doct. præter ea, quæ hic sunt propria.

Ant. Magnif. Antiph. O. Doctor.

ORATIO.

ECclesiam tuam, quæsumo Domine, benignus illustra: ut B. Anselmi Confessoris tui atque Pontificis illuminata doctrinis, ad dona perueniat sempiterna, Per Dominum.

In primo Nocturno Lektionen. Sapientiam omnium. de Communi Doctorum.

In secundo Nocturno.

Lectio v.

ANselmus Augustæ Prætorix in Italia natus à pueritia studia litterarum sectatus, cum breui admodum plurimum in eis profecisset, relicta patria, ad Beccense Monasterium Ordinis S. Benedicti, se contulit, ubi præceptore usus Lanfranco Cænobij Priore, viro præstanti religione & sapientia, sæculari litteraturæ sacram adiunxit, ac in eodem Cænobio vigesimo septimo ætatis suæ anno Monachus efficitur: sed Lanfranco ad Cadomensis Cænobij regimen assumpto in eius locum successit Anselmus; sicque ampliorem Deo seruiendi nactus occasionem, totum se ei muneri, fratrumque necessitatibus, impendit. Diuinarum interim rerum contemplationi adco deditus fuit ut obscurissimas, & ante id temporis inauditas de Diuinitate quæstiones, Deo referante, clarissime perspexerit, & explicauerit. *R.* Inueni David.

Lectio vj.

Absti-

Abstinentiæ, & continentiæ tantæ fuit, ut ab initio prioratus illecebra in eo penitus extincta sit, adeò corpus inedia macerauerat; somnus illi parcissimus, propterea quòd die, pro dandis cõsilijs, non sufficiente, noctis bonam addere partem cogeretur. Deinde quod Bibliothecæ monasterij libros, qui eo tempore pessimè scripti erant, nocte corrigebat. Demum, quòd in sanctis meditationibus se exercens, lacrymarum imbres fundens, plerumq; ante nocturnas vigilias parum, aut nihil somni capiebat. Æmulos quosdam ægrè ferentes iuuenem sibi, qui seniores in monasterio erant, in Prioris officio Prælatum, adeò humilitate & charitate vicit, ut ex inimicis, sibi beneuolos & amicissimos redderet. Infirmorum domum frequentissimè inuisebat, quæq; singulis opus erant, ipse per se ministrabat.

R. Posui adiutorium.

Lectio vij.

Defuncto Herluino Beccësi Abbate in eius locum omnium suffragijs, sufficitur Anselmus, qui cùm pedibus eorum prouolutus, ut à se, ut-

potè indigno, id oneris, auerterent, obsecraret, ab eisde pariter in terram se prostermentibus, ut assensum præberet, coactus est. Qui mox monasterij negotijs, sollicitudini fratrum, quos ipse strenuos, & idoneos nouerat delegatis, totus eruditioni, admonitioni & correctioni fratrum, Diuinæq; contemplationi vacare cœpit. Hospitum suscipiendorum, iuxta præscriptum regulæ adeò studiosus fuit, ut nonnunquam cibos de mensis fratrum iusserit auferri, ut hospitibus apponerentur: Deo semper Monachorum indigentia frequentibus miraculis subueniente.

R. Iste est qui ante Deum.

Lectio viij.

Mortuo deinde Lanfranco, qui ex Abbate Cado-
mensi factus fuerat Archiepiscopus Cantuariensis, ei etiã successit Anselmus, magna totius regni gratulatione, anno millesimo nonagesimo tertio. Sed mox dissidio orto inter Vuilhelmum Angliæ Regem, Ecclesiæ iura inique sibi vindicantem, & Anselmum Ecclesiæ libertatem tuentem, semel & iterum exulare cõ-

pulsus, Romam venit, honorificèq; ab Urbano Secundo exceptus, Concilio Barenfi interfuit; Græcosq; ibi circa processionem Spiritus Sancti errantes doctrinæ suæ robore cōdēruit. Tandem sub Paschale Secundo, qui successit Urbano, horrenda morte ex humanis sublato uilhelmo Angliæ Rege, ab Henrico eius fratre in Angliam reuocatur, & libertatem Ecclesiæ, pro qua laborauerat, adeptus est. Fauit plurimum festiuitati Conceptionis Virginis Mariæ, paulò antè in Anglia ab Elpino Abbate Diuina reuelatione admonito, celebrari cōptæ, de qua etiam egregium edidit Commentarium. Moritur demum undecimo Kalendas Maij, anno Dñi millesimo centesimo nono, doctrina & miraculis clarus.

R. Iustum deduxit Domingo.

In tertio Nocturno, Homil.

In Euang. Vos estis sal terræ.
de Communi Doctorum.

R. x. In medio Ecclesiæ.

In Vesperis commemor. SS. Soteris & Cay Pontif & Mart.

DIE XXIV. APRILIS.

S. MELLITI Episcopi & Confessoris, Duplex.

Ora tio. Exaudi, quæsumus

Domine præces nostras. de
Communi Confes. Pontif.

Et fit commemor. S. Gregorij in
Vesperis.

In primo Nocturno Lectiones.
Fidelis sermo. in Communi
Pontif.

In secundo Nocturno.

Lectio v.

Mellitus Abbas Romanus, primus fuit inter præcipuos, quos à B. Gregorio magno socios prædicationis accepit S. Augustinus in Anglia. Qui ab Augustini successore Laurentio Londini creatus Episcopus, Romam, defuncto iam Gregorio, reuersus est, de necessarijs quibusdam Ecclesiæ Anglorū cum Apostolico Papa Bonifacio Quarto tractaturus. Et cum idem Papa Reuerendissimus cogeret Synodum Episcoporum Italiae de vita Monachorum & quiete ordinaturus, Mellitus inter eos affedit anno octauo Imperij Phocæ Imperatoris, ut quæcunq; erant regulariter decreta, sua quoq; autoritate subscribens confirmaret, ac in Britanniam rediens, secum Anglorum Ecclesiæ mandata atq; obseruanda deferret.

R. Inueni David.

Lectio vj. Mel-

Mellito in Angliam reuerſo Sacerdētus Rex ad regna cæleſtia aſſumptus, tres filios, qui in infidelitate permanſerant, hæredes reliquit. Qui mox Idolis cæperunt palam inferuire, libertatemq; ad idem faciendum populis ſuis concedere. Cùm ergo Episcopum in Eccleſia cernerent, Euchariftiam fidelibus miniſtrantem: quare non etiam nobis, dicebant, porrigis panem nitidum, quē & Patri noſtro dare conſueueras? Quibus ille, ſi vultis, aſſerebat abluī fonte illo ſalutari, quo Pater veſter ablutus eſt; poteritis etiam panis ſancti participes eſſe. Cum ergo baptizari renuiſſent, & ipſe panem vitæ nequaquam illis vellet tribuere, è Regno ſuo pulſum cum ſocijs abire iuſſerunt. Qui aſſumpto ſecū Iuſto Ruſſenſi Episcopo, & prædicationis ſocio, ſimiliter ab idololatriſ eiecto in Galliā ſeceſſit. Vnde mox à Laurentio Archiepiſcopo, à Beatiffimo Apoſtolo Petro in ſomnis admonito, ambo ſunt in Angliam reuocati.

℞. Poſui adiutorium.

Lectio vii.

Sed cùm Londinenſes à Sacerdotibus Idolorum de-

cepti, Mellitum recipere nolent, ad Laurentium redijt: cui in Regnum cæleſte tandē profecto, in Archiepiſcopatu ſucceſſit, tertiuſq; à B. Auguſtino Doruernienſis Eccleſiæ regimē ſuſcepit. Erat quidē Mellito podagra grauato, ſed mentis greſſibus ſanus alacriter terrena quæq; tranſiliens, atq; ad cæleſtia ſemper anhelans: carnis etiam origine nobilis, ſed culmine virtutis nobilior. Deniq; unum virtutis eius, unde cætera intelligi poſſunt, teſtimonium referam; aliquando Doruernienſis Ciuitas, igni per incuriam correpta, crebreſcentibus cœpit flammis conſumi; quibus cùm nullo aquarum iniectu poſſet obſiſti; conſidens Episcopus in Diuinum, ubi humanum deficiebat auxiliū, iuſſit ſe obuiam ſeuientibus ignium globis inferri.

℞. Iſte eſt qui ante Deum.

Lectio viij.

ERat eo loci, ubi flammarum impetus maior erat, Martyrium Beatorum Quatuor Coronatorum. Ibi ergo perductus obſequentium manibus Episcopus, cœpit orando periculum infirmus abigere, quod firmæ fortium ma-

nus multum laborando ne-
quiverant. Nec mora, ven-
tus, qui à meridie flans, urbi
incendia sparserat, contra
meridiem reflexus, primò
vim furoris sui à læsione lo-
corum, quæ contrà erant,
abstraxit, ac mox funditus
quiescendo, flammis pariter
sopitis, atq; extinctis, compe-
scuit. Hic ergo postquam an-
nis quinq; rexit Ecclesiam,
migravit ad cælos, sepultusq;
est cum Patribus suis in Mo-
nasterio, & Ecclesia Beatissi-
mi Principis Apostolorum,
anno ab Incarnatione Domi-
ni sexcētesimo vigesimo quar-
to, octavo Kalendas Maij.

℞. Iustum deduxit.

*In tertio Nocturno, Homil.
in Evang. Homo quidam pe-
regre. in Comm. Pontif. Mis-
sa. statuit. sine Credo.*

*Vespere de sequenti cum com-
mem. S. Melliti.*

DIE XXV. MAII.
*In Festo S. GENADII Episcopi
& Confessoris, Duplex.*

*Oratio. Da quæsumus. de
Communi Confess. Pontificis.*

*Et sit commem. S. Urbani Pa-
pæ & Mart. ut in Breuiario.*

*In primo Nocturno Lectiones.
Fidelis sermo. ut in Communi
Confessoris Pontificis.*

In secundo Nocturno.

LECTIO V.

GENADIUS cū sub Arandi-
selli Abbatis pijsimi atq;
sanctissimi viri nutu, & obe-
dientia per aliquot annos vi-
xisset in Monasterio Agenſi,
secessum, ac solitariam vitam
ardenter desideravit, impul-
sus exemplo acerrimo Mona-
chorum & Eremitarum, qui
apud S. Petrum de Montes
Eremum vastissimam cele-
berrima cum laude incole-
bant. Vnde ab Abbate suo
copia illò demigrandi obtenta,
cū duodecim selectis
Monachis in prædictum Mo-
nasterium secessit: quod pri-
us inhabitauerant sanctus
Fructuosus, & Valerius; &
sanctitate sua clarum toto
orbe fecerunt, ut gesta per
illos habent.

℞. Inveni David.

LECTIO VI.

NIMIA vetustate attritum,
& in multis collapsum,
hoc B. Petri Sacellum Gen-
adius cū inuenisset, festinè
instaurare curavit, ut tanto-
rum Monachorum summè cō-
ueniens domicilium præbe-
ret; cui etiam ut annonam
præstaret, dissipatis veprium,
& montium (quibus terra
scate-

scatebat) spinetis, vineas, & fructeta, plantavit, quamvis ut cælestis agricola potius de virtutum pro se, quàm etiam pro omni plebe, consitione & insitione curabat. Quo factum est, ut à nobili potentique Asturicensium populo ex uniuersorum consensu, quinimò, & contentione propter reluctantiam Genadij durissimè obstitentis in Episcopum assumeretur.

R. Posui adiutorium.

Lectio vij.

POTIUS corpore, quàm mente Genadius à suo Monasterio exulabat, quia non fecus ac vir diuinorum contemplationi per omnia deditus, atq; traditus, quæ Dei & ad Deum erant, meditabatur, & quæ mundi & sæculi, graui auersabatur stomacho, ni pro iniuncto sibi munere expediret, illis morem gerere, & hilarem vultum præstare. Inde factum est, ut non solum illam suam ædem reficeret, redditibusq; amplificaret, decoraretq; structuris, verùm & duo alia in eadem Diocesi Monasteria erigeret, unum in Beati Andreæ, alterum in honorem S. Iacobi, quod vulgò Penalua vocatur, & in-

ter utramq; ad territorium quod dicitur Silentium, eximium quoddam Oratorium extruxit in honorem B. Thomæ Apostoli. Ita etiã omnia Monasteria honestauit suorum distributione librorum: qui licet paucissimi numero, utpotè quatuordecim volumina tantum: pretio tamen, & iusta æstimatione impares, & vel sola ratione possidentis celebres.

R. Iste est qui ante Deum.

Lectio viij.

MVNUS Pontificis strenuè per omnia gessit, adeo ut in stuporem cunctis, & in exemplum foret. Nec mirum: nam in charitatis officijs totam penè diem insumebat, & in contemplationum delitijs iugiter pernoctabat. Cuius Rachelis amplexibus tãdem illaqueatus, & tractus, præsulatu se abdicauit, & ad sibi dilectam solitudinem (hoc est) ad B. Petri asylū iterum se recepit: ubi durissima ieiuniorum, & flagellorum, & sentium asperitate carnem dum macerabat, meditationi perpetuus adhærebat. Unde bonorum omnium plenus ex hac vita migravit. Sepultus à discipulis. (acriter eius obitum

obitum flentibus) fuit in Ecclesia S. Iacobi de Penalua, ubi per multa sæcula requieuit: usq; dum Maria de Toledo Ducissa Albæ, generis claritate conspicua, & pietate præstantior decentissimè sacra illius transtulit ossa in Monasterium, quod dicitur Laura, à se ipsa proprijs sumptibus erectum ex fundamētis in ciuitate Vallisoleti. Et ex horum Sacrorum ossium congerie aliqua sequestrauit munificentissimo atq; religiosissimo Monasterio S. Benedicti Regij eiusdem Ciuitatis, necnon & eiusdem Ordinis cum Monasterio prædicto S. Petri de Montes donauit. Vbi festum eius magna deuotione colitur; & festiuitatis splendore illustratur.

R. Iustum deduxit Doming.

In tertio Noctur. Homil. in Euang. Homo quidam peregrè. ut in Communi Confessoris Pontificis.

Missa. Statuit. sine Credo.

Lectio xij. de S. Urbano Papa Mart. & commem. in Laudib. & Missa.

Missa. Statuit. de Communi Confess. Pontif. commem. S. Urbani Papa & Martyris.

In Vesperis à Capitulo de se-

quenti, & commem. præcedentis, & Sancti Eleutherij Papa & Martyris.

DIE XXVI. MAII.

In Festo S. AUGUSTINI Episc. & Confes. Duplex.

Oratio. Exaudi quæsumus Domine. de Communi Confes. Pontific. & comm. S. Genadij, & S. Eleutherij Papa Mart.

In primo Nocturno, Lektionen. Fidelis sermo. in Communi Confessoris Pontificis.

In secundo Nocturno.

Lectio v.

ANno ab incarnatione Domini quingentesimo nonagesimo sexto, Sanctus Gregorius misit seruum Dei Augustinum, & alios plures cum eo Monachos Ordinis Diui Benedicti timentes Dominum ad prædicandum verbum Dei genti Anglorum. Qui acceptis de gente Francorum interpretibus, in Angliam delati benignè à Rege Edilberto suscepti sunt. Erant autè viri fermè quadraginta crucè pro vexillo ferentes argenteam, & imaginè Domini Saluatoris in tabula depictam, litaniaq; huiusmodi, quoties alicui Ciuitati appropinquarent, concinebant: Deprecamur te Domine in omni mise-

miserericordia tua, ut auferatur furor tuus, & ira tua à Ciuitate ista, & de domo sancta tua, quoniam peccauimus tibi. R. Inueni David.

Lectio vj.

CRediderunt ergo nonnulli, & baptizati sunt mirantes simplicitatem, innocentiam vitæ, & dulcedinem doctrinæ eorum cælestis. Erat autem propè Ecclesiam, quædam in honorem S. Martini antiquitus facta, dum adhuc Romani Britanniam incolerent, in qua Regina, quæ Christiana erat, nempe de gente Francorū nomine Bertha, orare consueuerat. In hac ergo, & ipsi conuenire primò; ibiq; psallere, missas facere, prædicare & baptizare cæperunt, donec Rege ad fidem conuerso, maiorem prædicandi & Ecclesias erigendi licentiam acceperunt.

R. Posui adiutorium.

Lectio vij.

Interea vir Domini Augustinus Arelatem venit, & ab Archiepiscopo eiusdem Ciuitatis Etherio, iuxta Sancti Patris Gregorij iussa, genti Anglorum Archiepiscopus ordinatus est. Reuersusq; in Britanniam misit continuò Ro-

mam Laurentium Presbyterum, & Petrum monachos, qui Beato Pontifici Gregorio gentem Anglorū fidem Christi accepisse, seq; Episcopum factum esse referrent: simul & de ijs, quæ necessaria videbantur, quæstionibus eius consulta flagitans. Nec mora, congrua quæsitis responsa accepit, pluresq; cooperatores, ac verbi ministros, in quibus præcipui erant Mellitus, Iustus, Paulinus, & Rufinianus, & per eos generaliter uniuersa, quæ ad cultum erant, ac ministerium Ecclesiæ necessaria, vasa videlicet sacra, & vestimenta altariū, ornamenta quoq; Ecclesiasti, & Sacerdotalia, Clericaliaq; indumenta, Sanctorum etiā Apostolorum, ac Martyrum reliquias, & codices plurimos. R. Iste est qui ante Deum.

Lectio viij.

Augustinus ergo pluribus constructis Ecclesijs, & sui Ordinis Monasterio, celebrataq; semel, & iterum Synodo, connocatis ad id Britonū Episcopis super celebratione Paschæ, & alijs eorum ritib; Ecclesiasticæ unitati aduersantibus, veraq; de his omni-

E

bus

bus doctrina, euentibus miraculis confirmata: Postquam ex socijs prædicationis Mellitum, & Iustum Episcopos ordinasset, suffecto sibi iam antea Laurentio, dormiuit in Domino, sepultusq; est in Ecclesia ab eius successore perfecta, Principibusq; Apostolorum dicata, septimo Kalendaras Iunij, eodem Rege regnante, anno Dñi sexcentesimo nono.

R. Iustum deduxit.

In tertio Noctur. Homil. in Euang. Vigilate, quia nescitis. ut in Communi Confes. Pontificis.

Lectio xij. de S. Eleutherio Papa & Mart. Missa. Sacerdotes. de Communi Confes. Pontificis sine Credo. commemor. S. Eleutherij Papa Martyr.

In secundis Vesperis à Capitulo de sequenti, commemor. præced. & S. Ioannis Pap. Mart.

DIE XXVII. MAII.

In Festo S. Bedæ Presbyteri Confes. & Doct. Duplex.

ORATIO.

DEus, qui Ecclesiam tuam B. Bedæ Confessoris tui atq; Doctoris eruditione clarificas: concede propitius famulis tuis, eius semper illustrari sapientia, & meritis adiuuari. Per Dñum.

In secundis Vesp. S. Augustini Episcopi Confes. à Capitulo fit de S. Beda commemor. præced. & S. Ioannis Papa Mart.

In primo Noct. Lektionen. Sapientiam. ut in Communi Doctorum.

In secundo Nocturno.

Lectio v.

Beda Presbyter & Monachus Cænobij Sanctorum Petri & Pauli Apostolorum in Anglia, cum esset puer septem annorum sub magisterio Benedicti Abbatis in præfato monasterio nutriendus à parentibus traditur: in quo mirabiliter proficiens Doctor clarissimus effulsit. Anno vitæ suæ decimo nono, Diaconus factus est, trigesimo Presbyter: ex quo tempore usq; ad ultimum vitæ suæ docere, aut scribere non destitit. Sicut enim ipse de se fatetur, nihil illi dulcius erat quàm diuinas legere sedulò, & exponere Scripturas. Nunquam torpebat otio, nunquam à studio cessabat, semper legit, semper scripsit, semper docuit, semper orauit, sciens quòd amator scientiæ salutaris vitia carnis facillè superaret. Vnde officium Abbatis oblatum nunquam

quam voluit suscipere, ne cura rei familiaris distractus ab amplexu speciosæ Rachelis, vel ad modicum tempus cogeretur discedere.

R. Honestum fecit illum.

Lectio vij.

ERat ei mos ex lectione vehementer accendi, & compungi, ita ut sæpè inter legendum & docendum lacrymas effunderet ardentes. Vnde post lectionem, & studium ad orationes Sanctus Doctor deuotus se conferebat, sciens magis Dei gratia, quam proprijs viribz ad Scripturarum scientiam perueniri. Eius doctrina tanto pretio digna habita est, ut Sergius Papa ab urbe Roma Gerolfredo eius Abbati scripserit, eum exhortans, ut absq; omni contradictione famulū Dei Bedam ad limina destinaret Apostolorum, eò quòd eius præsentia in arduis causis fidei Ecclesiæ Dei valde utilis esset, & necessaria. Scripsit præterea de omnibus artibus, quas liberales vocant, tractatus plures, atq; pulcherrimos; Græcam linguam magna ex parte didicit, nec Hebraicam ignorauit. Habuit multos egregios discipulos,

quos studio & exemplo ad amorem Scripturarum incredibili feruore prouocabat. Nec solum studijs, sed quod ijs amplius est, religione, sanctitate, quos docuit, fecit insignes.

R. Amavit eum Dominus.

Lectio vij.

ERat autem Beda decentis staturæ, incessu grauis, voce sublimis, ore facundus, & vultu decorus, & quadam iucunditate admixta seuerus. Vnde bonis & deuotis erat affabilis: superbis autem & negligentibus terribilis. Tandem post multos labores, quos scribendo & docendo impenderat, animo toto ad patriam suspirans, in debilitatem incidit, continuuq; septem hebdomadis ante mortem stomachi indignatione laborans, & angusto spiritu halitum producens, studium nihilominus litterarum nequaquam omisit: sed totis ijs diebus præter debitum psalmodiæ pensum, illi intédebat, Euangeliumq; Ioannis iisdem diebus Anglica lingua interpretatus est. Feria autem tertia ante Ascensionem Domini, accita congregatione communicatus, &

unctus est, osculoq; cunctis
libato futuram sui memoriã
à singulis implorauit.

R. Iste homo perfecit.

Lectio viij.

Die tandem Ascensionis
Domini contra oratoriũ,
quò orare consueuerat, sub-
iecto cilicio decumbens illi-
bato sensu, & hilari vultu di-
cebat: O Rex gloriæ. Qua
Antiphona finita spiritum ef-
flauit sexto Kalendas Iunij,
anno Dñi septingētesimo se-
xagesimo secundo. Mox tam
suauissimus odor subsequutus
est; ut omnes, qui aderant,
in Paradiso se esse putarent:
Vixit nonaginta annos, ex
quibus octoginta tres in Mo-
nasterio egit. Huius eruditif-
simi viri opuscula, etiam, eo
viuente, tantæ auctoritatis
habebantur, ut iubentibus
Ecclesiarum Prælati, in Ec-
clesijs, & Conuentibus fide-
lium publicè legerentur: Hinc
factum est, ut cùm in Homili-
arum titulis viuente non
possent sanctitatis nomine
appellare, Venerabilem nun-
cuparent, qui tunc titulus li-
bris eius semel insertus, nun-
quàm postea deleri potuit.

R. Desiderium animæ.

In tertio Nocturno.

Lectio sancti Euangelij se-
cundum Mathæum.

Lectio jx. Cap. 5. b. 13.

In illo tempore: Dixit Ie-
sus discipulis suis: Vos estis
sal terræ: quòd si sal euanu-
erit, in quo salietur. Et re-
liqua.

Homilia Venerabilis Bedæ
Presbyt.

In Euang. Vos estis sal terræ

In terra humana natura, in
sale sapientia verbis signifi-
catur. Salis enim naturã ter-
ra efficitur infructuosa; un-
de quasdam urbes legimus
victorum ira sale seminatas,
& hoc conuenit Apostolicæ
doctrinæ, ut sale sapientiæ
compefcat in terra humanæ
carnis luxum sæculi, aut fæ-
ditatem vitiorum germina-
re. Quòd si sal euanuerit, in
quo salietur? id est, si vos,
per quos condiendi sunt po-
puli, propter metum perse-
cutionum, aut errorem ami-
seritis regna cælorum, extra
Ecclesiã positi, inimicorum
opprobria sustinetis non du-
bium. Vos estis lux mundi,
id est, vos, quia vera luce il-
luminati estis, lux eis, qui in
mundo sunt, esse debetis. Nō
potest ciuitas abscondi supra
mon-

montem posita, id est Apostolica doctrina super Christum fundata, siue Ecclesia super Christum ex multis Gentibus fidei unitate constructa, & charitatis bitumine conglutinata; quæ sit tutam intransibilibus, & laboriosa aduentibus: habitatores custodit, & omnes inimicos secludit. R. Iste est qui ante Deum.

Lectio x.

Nec accendunt lucernam.

Sub modio ergo lucernam ponit, quisquis lucem doctrinæ commodis temporalibus obscurat, & tegit; super candelabrum verò, qui se ita ministerio Dei subiecit; ut superior sit doctrina veritatis, quam seruitus corporis. Aliiter Saluator accendit lucernam, qui humanæ testamaturæ flamma suæ diuinitatis impleuit, & hanc super candelabrum, id est Ecclesiam posuit, quod in frontibus nostris fidem suæ Incarnationis fixit. Quæ lucerna non potuit sub modio poni, id est sub mensura legis includi, nec in sola Iudæa, sed in uniuerso illuxit orbe.

R. In medio Ecclesiæ.

Lectio xj.

Sic luceat lux vestra coram hominibus, quia expedit unicuique per opera bona placere Deo, & non hominum falso fauore gaudere. Nolite putare, quoniam veni soluere legem, aut Prophetas, implere veni, quæ imperfecta fuerant, iram tollens, & talionis vicem excludens, & occultam mentis concupiscentiam prohibens. Amen quippe dico vobis; donec transeat cælum & terra, Iota unum, aut unus apex non præteribit à lege, donec omnia fiant. Hæc enim transeunt, quando mutantur, in melius. Iota verò, quæ est cæteris litteris minor & apex, quæ est eius summa portiuncula ostendunt, quod vel minima legis præcepta ad perfectum perducuntur, & quia omnia legis Sacramenta plena sunt gratiæ spiritualis. Aptè autè Iota gratiæ, & non Iod posuit Hebræum, quia Iota in numero decem exprimit, & decalogum legis enumerat, cuius quidem apex, & perfectio Euangelium est.

R. Beatus vir.

Lectio xj. de S. Ioanne Papa & Mart. ex duabus una.

R. Domine præuenisti. ut
in Breuiario, Nisi

Nisi contingat hoc Festum transferri, tunc enim dicitur.

Lectio xij.

Qui enim soluerit unum de mandatis istis minimis. Minimum est mors Crucis, & qui secundum id, quod soluerit alios docuerit, & non secundum id, quod inuenit, & legit, minimus vocabitur in regno cælorum, vel fortasse ibi non erit, ubi nisi magni esse non possunt. Potest & moraliter accipi; quia quamuis ex semetipsa Scriptura solui non possit, tamen qui non implet Dei mandatum, in semetipso soluit, & fit despectissimus in Ecclesia Sanctorum. Dico enim vobis; quod nisi abundauerit iustitia vestra, plusquam Scribarum, & Phariseorum, id est, nisi non solum illa minima legis præcepta impleueritis, quod est iustitia Phariseorum, ut non occidant, sed etiam ista, quæ à me adduntur, quod est iustitia eorum, qui regnum DEI intraturi sunt, ut non irascantur cælesti regnum intrare idonei non estis.

*R. O Beati viri Bedæ.
Euangelium, de Communi Doctorum.*

Lect. xij. de S. Iohanne Papa, & Mart. ex duabus una.

In Laudibus commem. S. Iohannis Papæ, & Mart. Missa Doctor. Oratio propria, commem. S. Iohannis, & Credo.

DIE I. IV NII.

In Festo S. ENNECONIS Abbat, Duplex.

Omnia, ut in Communi Abbat.

ORATIO.

Propitiare, quæsumus Domine, nobis famulis tuis per Sancti Confessoris tui Enneconis merita gloriosa: ut eius pia intercessione ab omnibus semper protegamur aduersis. Per Dominum.

In secundo Nocturno.

Lectio v.

Sanctius maior Rex Nauarræ, & Castellæ, & Aragoniæ, considerans semper se de inimicis suis triumphasse, & omnes illos per circuitum suum sibi subiugasse: videns etiam, quod post Maurorum inuasionem, laici, sæcularisq; ordo Ecclesias totius Hispaniæ haberent, eas Ecclesiasticis viris tradere decreuit. Et audiens B. Benedicti doctrinam ubiq; rutilare, cogitauit, qualiter in regionibus suis eam posset strictiori propagare obseruantia. Et mittens ad Cluni-

Cluniacense cœnobium, euocauit inde Abbatem Paternum, & cum illo gregem Monachorum, quos in Asce- terio Sãcti Ioannis Baptista, (quod nunc de Penna dici- tur) constituit. Ex quo Mo- nachos deinde quosdam ele- git, quibus Onniæ Cœnobi- um à Sanctio comite socero suo constructum, pulsus ex eo auctoritate Apostolica Moni- alibus, tradidit incolendum. Sed Garcia primo Onniensi Abbate extincto, in eius lo- cum Rex Enneconem virum apud Aragonenses sanctita- tis opinione celeberrimum sufficere cogitauit.

R. Honestum fecit.

Lectio vij.

AD quem Eremitarum vi- tam sub Monachi habitu agentem, cum missis plurib; nuncijs, nihil profecisset, co- actus est Rex per semetipsum accedere, eumq; multis pre- cibus tandem exoratum On- niæ cœnobio præfecit; quod plurimis muneribus donatū sub Ennecone Abbate, mul- tō quàm antea fuerat, reddi- dit illustrius. Enneco ergo verum Pastorem agens, Mo- nachos docebat, pauperes a- lebat, ægrotantibus aderat,

quæ sua erant oblitus, alic- nis profectibus inuigilabat. Vitæ sanctitati miracula ac- cesserunt. Nobiles enim qui- dam, improbi tamen, qui Dei virum crebris iniurijs di- uexauerāt, cum antea amicis- simi semper fuissent, mutuis se postea vulneribus confeca- runt. Rustici etiam qui in colendo cœnobij agro viro Dei operam suam improbè negauerat, repente hortus e- xaruit, qui mox iussu eiusdem aqua benedicta conspersus, in natium virorem aridita- tem commutauit.

R. Amavit eum.

Lectio vij.

IMpetrauit præterea suis precibus à Domino largis- simum imbrem, cum tota il- la regio æstu, & sterilitate la- boraret. His igitur, pluribus- que alijs miris in dies clarior Beatus Enneco apud Sotum longum extrà cœnobium æ- grotare grauiter cepit. Cui, dum ad cœnobium deporta- tur, visi sunt occurrere exi- mia pulchritudine pueri, ac- censas lucernas præferentes; quorum laborem itineris mi- seratus ad circumstantes cō- uersus eos hortabatur, ut pu- eros itineris labore fessos fo- uerent,

uerent, qui cum nihil tale
cernerent, proculdubio An-
gelos esse cognouerunt.

R. Ille homo.

Lectio viij.

Ingrauescente deinde mor-
bo, vocatos ad se fratres
salutaribus monitis instruxit,
Sanctissimisq; Ecclesiæ Sacra-
mentis coram eis deuotissime
susceptis, in cælum euolauit
Kalendis Iunij, anno Domi-
ni millesimo septuagesimo
primo. Sepultusq; est in eo-
dem cœnobio, ad cuius se-
pulchrum plurima miracula
fiunt. Quapropter innumera
hominum, utriusq; sexûs mul-
titudine quotannis Kalendis
Iunij ex ferè triginta illius re-
gionis populis circumquaque
constitutis, ad Onniæ Cœno-
bium cum solemni pompa
conueniunt; Missarumq; Sa-
crificijs Deo ad S. Enneconis
sepulchrum cum inuocati-
one eius oblatis, læti, & o-
uantes optima de præsentis
anni ubertate spe concepta
recedunt.

R. Desiderium animæ.

*In tertio Nocturno, Homil. No-
lite timere pusillus grex. ut in
Communi Confess. non Pontif.*

*Missæ. Iusto ut palma. de Cœ-
muni Confess. non Pontific. sine
Credo.*

Oratio propria.

*In ij. Vesp. comm. SS. Marcel-
lini, &c. Mart. ut in Breuiar.*

DIE V. IVNII.

In Festo S. BONIFACII Episc.
& Martyris, Duplex.

*Omnia de Commu. unius Mar-
tyris. Oratio. Infirmittatem
nostram.*

In secundo Nocturno.

Lectio v

Bonifacius natione Anglo,
cum adhuc puer quinq; an-
norum esset in quodam Cœ-
nobio Ordinis S. Benedicti in
Anglia, quod Muschella dici-
tur, à parentibus Domino
seruiturus oblati: In quo
sub disciplina Vuolfardi, ac
postea Vuigeberti Abbatum,
proficientib; eius ex tempo-
re meritis, trigesimo vitæ suæ
anno Sacerdotij gradum su-
scepit; tantumq; diuinis litte-
ris studium impendit, ut Do-
ctor omnium opinione clarissi-
mus haberetur, & esset. Tã-
dem amore Christi, & zelo
animarum accensus, cum li-
centia sui Abbatis Traiectũ
in inferiore Germania com-
migrans, per annos tredecim
Frisonum, Francorumq; gen-
tem in fide Catholica dilige-
ter instruxit.

R. Honestum fecit.

Lectio

Lectio vij.

Quibus virtutibus illustis, à Gregorio Secundo Pontifice Summo Romam accersitus, ab eo Episcopus consecratur, secundo Kalendas Decembris, & Bonifacii dici voluit, cum antea Vulfrius appellaretur; præstitoq; iuramento de fidei puritate conseruanda, Moguntinæ Ciuitatis primus Episcopus designatus, ad illuminationem totius Germaniæ destinatur: unde Germanorum Apostolus dici meruit. Breui siquidem tempore, Franconiæ, Bauariæ, Thuringiæ, ac Saxonix populos Deo acquisiuit; ubiq; vitia extirpans, virtutes, templa, ac Monasteria plurima erigens, quibus ministros probatissimos præficebat. R. Desiderium.

Lectio vij.

Postquam ergo decem & sex annis per Frisiam prædicasset, in Dockum Oppido, nunc Leouardienfis Diæcesis, anno Domini septingentesimo quinquagesimo quinto, nonis Iunij, ab Infidelibus oppressus martyrio coronatus est cum suis, quos plures, quàm quinquaginta in fidei prædicatione cooperatores

habebat, in quibus triginta Monachi memorantur. Quorum omnium Sanctorum Martyrum corpora Traiectenses accipientes honorificæ sepulture tradiderunt. Sanctum tamen Bonifacium victi precibus Lulli Archiepiscopi Moguntiam remiserunt, quæ ille in Fuldensi cœnobio ab eodem Bonifacio structo plumis insignem miraculis sepeliuit.

R. Stola iucunditatis.

Lectio viij.

Scripsit S. Bonifacius vitas quorundam Sanctorum, & breues tractatus, opusq; insignis de virtutibus & vitijs versibus exaratum. Eius etiam scitè dictum de Sacerdotibus in Concilio Triburiensi refertur: Interrogatus enim, an liceret in vasculis ligneis Sacramenta cōficere, respondit; Quondam Sacerdotes aurei, ligneis calicibus utebantur: nunc è contra lignei Sacerdotes aureis Calicibus utuntur.

R. Posuisti Domine.

In ij. Noſt. Homil. Si quis venit ad me. ut in Comuni unius Mart. Miſſa de Comuni Pontif. & Mart. Statuit. ſine Credo.

In Vesp. à Capitulo de S. Norberto Episc. & Confessor. ut in Breuiar. Comm. S. Bonifacij.

DIE XIV. I V N I I.

In Festo S. FELICIS Martyris, Duplex.

Omnia de Communi unius Mart. præter ea, quæ hic sunt propria.

ORATIO.

DEus tuorum fortitudo Sactorum, qui Beatum Felicem illustri martyrio, honorare dignatus es; te supplices exoramus; ut ipso pro nobis intercedente, fidem eius sectemur, in terris, & gloriæ participes efficiamur in calis. Per Dominum.

Commemoratio SS. Viti, Modesti, atq. Crescentiæ Mart.

In primo Nocturno Lektionen. Tres Debitores. de Communi plurim.

In secundo Nocturno.

Lectio v.

Felix Monachus, ex oppido Complutensi progenitus, natione Getulus (est autem Getulia Africæ pars) & quadam occasione in Asturias deuolutus, ubi & fidem Catholicam, & Religionem, Monasticam didicit, eodem die, quo S. Anastasius Presbyter & Monachus capitis

abscissione martyrium compleuit, Cordubæ in persecutione Arabica. Post quos virgo quædam adolescentula, nomine Digna, ex Collegio venerabilis Elisabeth Abbatis, Dco reuelante, & confortante, ad palmam processit. R. Honestum.

Lectio vi.

HOc namq; ordine hi tres vocati; Anastasius scilicet Presbyter, Felix Monachus, & Digna Virgo Beata, eodem die dispariter ceciderunt decimo octauo Kalendas Iulij, Era octingentesima nonagesima prima, qui est annus Domini octingentesimus quinquagesimus tertius. Deniq; hos sequens Benildis femina, ætate iam prouecta, sub professione cætorum occubuit, decimo septimo Kalendas Iulij Era quæ supra. R. Desiderium.

Lectio vij.

QVorum cadauera post aliquot dies ingenti concremata incendio, ad ultimū fluuij proiectu dispersa sunt. At verò in S. Zoili, apud Carrionem nobile oppidum, Monasterio celebri Ordinis S. Benedicti corpus Sancti Martyris Felicis Complutensis,

sis, in argentea theca seruat-
tur, magnâq; Religione coli-
tur. Eo enim ex Corduba
traslatum fuit à Comite Fer-
dinando Gomefio, unâ cum
corpore S. Zoili Martyris;
pro ut antiquissima eiusdem
Cœnobij monumenta testan-
tur. R. Stola iucunditatis.

Lectio viij.

Licet enim S. Felicis, & re-
liquorum Martyrum cada-
uera per ignem & aquam fu-
erint dissipata, ne à Christia-
nis inuenta in honore habe-
rentur, tamen pia Christia-
norum sedulitas ossa non pe-
nitens incendio consumpta,
& in fluuium proiecta, inde
extraxit, & asseruauit. Sanè
regia diplomata vetustissima
Monasterio concessa, tria Sâ-
ctorum corpora recensent,
quæ ibi condita hodie quoq;
cernuntur, scilicet Sanctorum
Martyrum Zoili, & Felicis,
& Sancti Agapij Confessoris.
R. Posuisti Domine.

In tertio Nocturno, Homil.
Si quis vult post me venire. ut
in Communi Martyr.

Lectio xij. & Commem. in
Laud. de SS. Martyr. Vito, &
Socys comm. eorum in Laud. &
Missâ.

DIE XX. IVNII.

In qua fit de S. Syluero Papa.
& Mart. commem. S. Floren-
tina Virg. ut in Communi Vir-
ginum.

ORATIO.

EXaudi nos Deus salutaris
noster, ut sicut de Beatâ
Florentina Virginis tuæ fe-
stiuitate gaudemus; ita piæ
deuotionis erudiamur affe-
ctu. Per Dominum.

DIE XXIII. IVNII:

In qua fit de Vigilia S. Ioannis
Bapt. commem. S. Ediltrudis
Virginis.

ORATIO.

EXaudi nos Deus salutaris
noster, ut sicut de Beatâ
Ediltrudis Virginis tuæ fe-
stiuitate gaudemus; ita piæ de-
uotionis erudiamur affectu.
Per Dominum nostrum.

DIE VII. IVLII.

In Festo S. VUILLEBALDI Epi-
scopi & Conf. Semidupl.
Omnia de Communi Confessoris.
Pontificis.

ORATIO.

DA quæsumus omnipotens
Deus, ut qui B. Vuille-
baldi Confessoris tui, atque
Pontificis solemnia colimus:
eius apud te intercessionibus
adiuuemur. Per Dominum
nostrum.

In secundo Nocturno.

Lectio v.

Uvillebaldus Ricardi Anglorum Regis filius, Regnum terrenum una cum Patre, & fratre Vuinebaldo, & sorore Vualburge, qui omnes sub Regula S. Benedicti monasticam egerunt vitam, cōtemnens, & pro Christi amore peregrinus factus, multis affulsit virtutibus. Hic cū adhuc quinq; tantū annorū esset, S. Benedicti Monachis in Anglia litteris & moribus imbuendus traditus, adeo profecit, ut vir sanctus & doctus euaserat.

R. Inueni David.

Lectio vj.

Post plures verò annos patriam deferēs Romam venit, deinde Hierosolymam profectus est; visitatisq; multis Sanctorum locis, in Italiam reuersus, decimoq; peregrinationis suæ anno, Casinensis Monachus efficitur. Sed à Gregorio Papa eius nominis tertio socius prædicationis in Germania Sancto Bonifacio primo Archiepiscopo Moguntino, & Martyri missus, in Euangelio prædicando multum cum eo laborans innumeras gentes ad Christum conuertit.

R. Posui adiutorium.

Lectio vij.

Quare ab eodem Sancto Bonifacio auctoritate Apostolica primus Aureatensis Episcopus fuit ordinatus. Quo munere sanctissime functus, multis virtutibus & miraculis clarus in Christo quieuit, nonis Iulij, Gregorij Tertij, & Zachariæ Romanorum Pontificum tempora assecutus, circa annum Domini septingentesimum trigessimum quintum.

R. Iste est.

Lectio viij.

Huius reliquæ unā cum corporibus S. Vuinebaldi eius fratris Abbatis Heidenensis, & eorum sororis S. Vualburgis Abbatissæ, allatæ sunt ex Germania, anno Domini octingentesimo septuagesimo, per Balduinum Perreum Comitem, Furnisq; magno cum honore repositæ instituto ad id monasterio Ordinis S. Benedicti, quod nunc est Canonicorum Collegium Diocesis Iprensis. Ex Sanctæ Vualburgis verò ossibus, oleum hodie in subiectū argenteum vas miraculose defluit, quod multis grauib; morbis medetur. Eam eleuauit

uit primus Odogerus Episcopus consensu Adriani Secundi, qui eam iussit Sanctorum Cathalogo adscribi.

R. Iustum deduxit.

*In tertio Nocturno, Homilia in Euang. Homo quidam peregrè. ut in Comuni. Mis-
sa. Statuit.*

*In ij. Vesp. à Capit. de sequen-
ti Festo, cum commem. S. Vuil-
lebaldi.*

DIE VIII. IULII.

In Festo S. CHILIANI Episco-
pi & Martyr. Semidupl.

*Omnia de Comuni unius
Martyris. Oratio. Infirmita-
tem.*

In secundo Nocturno.

Lectio v.

Chilianus natione Hiber-
nus, nobilibus ortus pa-
rentibus & à pueritia libera-
libus studijs eruditus; diuina
cum gratia præueniente, cun-
ctis mundi illecebris spretis,
monasticam vitam sub Re-
gula Diui Benedicti, in Mo-
nasterio Huenfi in Hibernia
professus est. In quo quantæ
obedientiæ, quantæ frugali-
tatis, quantæ in vigilijs, &
orationibus instantiæ fuerit,
vitæ præsentis terminus de-
clarauit. Coactus à fratribus
per gradus Ecclesiasticos ad

Presbyteratus officium ascen-
dere: ijsdem etiam cogenti-
bus regiminis monasterij cu-
ram suscepit. Sed tamen san-
ctitatis eius fama longè lateq;
crebrescente, à laudibus ho-
minum sibi prudenter metu-
ens, cum sibi benè notis soci-
is, præfulatu abdicato, soloq;
natali relicto, Herbipolim
tandem in orientali Francia
peruenit, incredulis illius re-
gionis gentibus Euangelium
prædicaturus, simulq; sibi oc-
casionem martyrij, quod ma-
gnoperè desiderabat paratu-
rus. R. Honestum fecit.

Lectio vj.

A Prædicationis autem mu-
nere sanctè & religiosè
interim abstinuit, donec se
Romano Pontifici præsentar-
et: à quo, & integrum Chri-
stianæ Religionis dogma, &
facultatem acciperet prædi-
candi. Romam igitur profe-
ctus, & à Conone Summo
Pontifice Herbipolensis Epi-
scopus ordinatus, cum Colo-
manno Presbytero, & Tor-
nano Leuita Monachis, lon-
gissimo emenso itinere, ad
locum sibi destinatum perue-
nit, ubi Diuini verbi prædi-
cationem aggressus, Gosber-
tum prouinciæ Ducem idolis

*Lau
d et*

antea seruientem, cum pluribus alijs, ad Christi fidem conuertit: Dux ergo, beatissimi præsulis assidua adhortatione, multum in Christi religione proficiebat, sed uxorem habebat Geilanam, quæ fratri ipsius fuerat antea matrimonio copulata: quas nuptias Chilianus noluit. Duci in ipsius fidei suæ initijs illicitas ostendere, ne ea re absteritus susceptæ Religionis pœnitundine afficeretur.

R. Desiderium animæ.

Lectio vij.

Nactus deinde opportunam Chilianus occasionem, illicitum esse coniugiū, illud Duci manifestat, simulque suadet, ut ea dimissa, nihilq; apud se pristini erroris relinquens, integrum se Deo, quem agnouerat, restituat. Dum primò ægrè ferre, multaq; quominus dilectam sibi coniugem relinqueret, causari: mox Chilianus suasionibus mitior factus ei spondit se ex itinere, quod aduersus Reipublicæ hostes arripiebat reuersum, eam statim relicturum. Id ut agnouit Geilana, impotenti ira aduersus sanctum, eiusq; socios accensa, necem illis machinari

cœpit; inuentiq; duo tanti sceleris pretio conducti ministri, eos orationi ardentissimè instantes, quippè, qui diuina reuelatione se eadem hora martyrio nouerant coronandos, interfecerunt.

R. Stola iucunditatis.

Lectio viij.

TAm immane facinus marito ex itinere reuerso celare studens Geilana, nihil profecit. Duo enim illi carnifices à dæmone arrepti, alterq; proprijs se dentibus lanians, alter verò suo se gladio confodiens scelus admisum, remq; omnem detexerunt. Geilana deniq; sæuissimè à dæmone cruciata, Chilianum sibi, quem iniuste occiderat, nimis infestum vociferans, horrenda morte vitæ finiuit. Horum martyrum corpora sanctus Burchardus, ex Monacho Ordinis S. Benedicti Herbipolensis Episcopus, à terra eleuauit, & in Basilica à se erecta recondidit, à Romanoq; Pontifice impetrauit, ut eisdem honor sanctis martyribus debitus deferretur. R. Posuisti.

In tertio Nocturno, Homilia.
Si quis venit ad me. ut in Communi.

Missa.

*Missa. Statuit. de Communi
unius Martyris Pontificis.*

DIE VI. AVGVSTI.

*In Festo SS. STEPHANI, &
Ducentorum Monachorum
Charadignæ. Duplex. (fuit heri.)*

*Omnia de Communi plurimorum
Martyrum, præter hæc
propria.*

ORATIO.

PRæsta quæsumus omnipotens Deus, ut qui gloriosos Martyres, Stephanū Abbatem & socios eius monachos, fortes in sua confessione cognouimus; pios apud te in nostra intercessionem sentiamus. Per Dominum.

In primo Nocturno, Lektionen.

Fratres debitores. ut in Communi plurimorum Martyrum.

In secundo Nocturno.

Ex Bulla SS. D. N. Papæ Clementis Octavi.

Lectio v.

TEmpore, quo Arabum sæua tyrannis in Hispania Christianos affligebat, atque Zafa eorum Rex impius Castellæ prouinciam deuastabat, potissimum verò Dei seruos fidei Christianæ propugnatores viros religiosos, quos sciret esse ipsorum execrabilis sectæ acerrimos im-

pugnatores, vehementer exagitaret, inter alios venerabiles monachos, qui diuersis in locis Hispaniarum, propensiori cultu Deo seruientes, eorundem persecutionibus premerentur, feliciores illi fuere, qui apud Burgos in Monasterio S. Petri de Charadigna, Ordinis Sanctissimi Patris nostri Benedicti, egregia vitæ sanctitate florentes, digni inuenti sunt, qui omnes simul ducenti numero ad martyrij coronam promouerentur à Domino IESU CHRISTO. & Sancti tui.

Lectio vj.

HI enim sub Stephano Abbate ab ipso viro Sanctissimo ad spiritualem palæstrā iugiter exercitati, & carnem vincere, mundum contemnere, & debellare æreas potestates, edocti, audientes eisdem adesse Arabes ministros Satanæ, ipsorum sanguinem sitientes, nullam suscipere voluere redemptionem, ut meliorem inuenirent resurrectionem; sed unanimes, Dei armatura potentes, spiritu feruentes, ad quælibet mala subeunda persistere constantes: probeque intelligentes, quod non sunt condignæ passio-

passiones huius temporis, ad futuram gloriam, quæ reuelabitur in nobis, mutuis se exhortationibus ad subeundum martyrium roborarunt, atq; assiduis precibus munierunt.

R. Verbera carnificum.

Lectio vij.

Sic igitur Diuina gratia confirmati, in Monasterij claustro fortes animo consistentes, summa patientia irruentes exceperunt carnifices: à quibus singuli crudeliter iugulati, optatam coronam martyrij perceperunt, octauo Idus Augusti, feria quarta, anno salutis octingentesimo vigesimo quarto. Sepulti sunt ibidem Sancti Martyres à Christi fidelibus, qui illuc conuenere, postquam funesta Arabum cohors inde recessit.

R. Tanquam aurum.

Lectio viij.

Deus autem, qui suos milites non solum coronat in cælis, sed & in terris efficit gloriosos, ad ipsorum martyrium gloriam, locum illum celebri miraculo illustrauit, dum pluribus subsequentibus annis, die anniuersaria ipsorum cædis, tanquam recenti

cruore aspersum eundem rubentem ostendit, sed & iam penè extinctam iniuria temporum, ipsorum memoriam reddidit sua auctoritate Sedes Apostolica rediuuiam, atq; eam celebrandam omnibus fidelibus repræsentat.

R. Certamen magnum.

In tertio Noctur. Homilia in Euang. Cùm audieritis. ut in Communi. Lectio xj. de S. Donato, ut in Breuiario, cum commemoratione in Laud.

In y. Vesp. fiat comm. Sanctorum Mart. Cyriaci, Largi, & Smaragdi, ut in Breuiario.

DIE XVIII. SEPTEMBRIS.

S. COLUMBÆ Virginis & Martyris, Duplex.

Omnia de Communi Virg. & Mart. præter ea, quæ hic sunt propria.

ORATIO.

OMnipotens sempiternæ Deus, qui infirma mundi eligis, ut fortia quæq; confundas: concede propitius: ut qui Beatæ Columbæ Virginis & Martyris tuæ solennia colimus, eius apud te patrosinia sentiamus. Per Dominum.

Et sit commemoratio S. Edithæ Virginis.

ORA-

ORATIO.

DEus, qui nos annua Beatæ Edithæ Virginis tuæ solemnitate lætificas, da, ut quā veneramur officio, etiam piæ conuersationis sequamur exemplo. Per Dominum.

Lectio v.

Columba Virgo ex Oppido Cordubensi, nobilis & decora, cū inter bona parentum tenerimē in annis puellaribus degens propositū Elisabeth sororis sanctimonialis agnosceret, confestim terrena omnia spernere desiderat; sed aduersatur puellæ intentioni genitrix, quæ illam nuptijs destinauerat; sed cū nec illa consentiret, nec mater desisteret; ipsa mater, Dei prouidentia, ex improviso mundo exempta decessit. Remanet itaq; Dei famula, non tam matris obitu contristata, quā lætior gratia suæ deuotionis, sine cuiusquam præiudicio adimplendæ. In Tabanensi ergo Cœnobio virgo se terrenis exuens, hæret cælestibus, & mentem ad studium Scripturarum conuertens, fit admodum erudita.

R. Propter veritatem.

Lectio vj.

Sub regimine itaq; sororis suæ manens, meritis, & gratia honestatis, omnibus præiuit; sæpē enim ternas, & quaternas horas, nec non usq; ad medium diem orationi incumbibat, & cū nulla resonarent suspiria, nec ullus singultus audiretur, in magno tamen silentio clamabat ad Dominum, & diuina suauitate perfusa, in lacrymas effluebat, aded ut perennes aquarum rivuli ex oculis emanarent, quibus locus, in quo orabat, irrigabatur.

R. Dilexisti iustitiam.

Lectio vij.

Verū Beata Virgo quasi parua esset hæc omnia, ad Martyrij coronam aspirabat quibusdam reuelationibus ad id frequenter impulsæ. Quare in forum digrediens, cū ad iudicem peruenisset, emissæ Christianæ fidei professione, iniqua Mahometi, dogmata constantissimē redarguit, cuius speciem, verbaq; miratus iudex, illic eam in palatium ducens, Satrapum Concilio repræsentat. Qui cū fortissimam Virginis cōstantiam mirarentur, neq; eius reprehensionem ferre valerent, continuò ante fores Pala-

Palatij eam trucidari præci-
piunt. Quæ non se prius de-
collari permisit, quàm præ-
mio lictorem tamquam insi-
gnem benefactorem honora-
ret. Sic è vinculis corporis
capitis abscissione soluta
martyr gloriosa volauit ad
sponsum, quinto decimo Ka-
lendas Octobris, Era octin-
gentesima nonagesima pri-
ma, qui est annus Domini o-
ctingentesimoquinquagesimo
tertius R. Prudètes Virgines.

Lectio viij.

NEc mora, ut erat lincis
indutum cadauer, sporta
immissum, aluo proijci prin-
cipes mandauerunt. Quod
post sextum diem illæsum &
integrum, quorundam soler-
tia Monachorum inuentum,
digno Officio in Basilica San-
ctæ Eulaliæ Virginis & Mar-
tyris honorabilem meruit
sepulturam.

R. Afferentur Regi.

*In tertio Nocturno, Homilia
in Euang. Simile erit regnum
cælorum decem Virginibus.
ut in Communi.*

Pro Sancta Editha Virgine.

Lectio xij.

EDitha Virgo, Edgari An-
glorum Regis filia, matris
Vulfrudis exemplum secuta,

virtutum æmula, in Monaste-
rio Vuilthoniensi à teneris
annis Deo dicata, cuculloq;
Sancti Patris Benedicti indu-
ta; sæculum potius ignora-
uit, quàm reliquit, litteris, &
assidua lectione Sanctorum
excelluit. Virtutibus ornata,
præcipuè humilitatem, foro-
ribus inseruiendo, mirificè
coluit. In pauperes, in ho-
spites, in egenos propensissi-
ma, liberis Regis leprosos
anteferebat, & quantò quis
vilior, & deformior appare-
ret, tantò ad eisdem inserui-
endum promptiorem se gere-
bat. Regnum, mortuo Pa-
tre, & Eduardo statre, à pro-
ceribus Regni non solum o-
blatum, sed etiam per vim ut
acceptaret procurantibus, re-
cusauit. Demùm prænunci-
ato à Sancto Dunstano suæ
mortis die, feliciter ad spon-
sum euolauit.

R. Veni electa mea.

*Commemoratio eius in Lau-
dib. & Missa. In secundis Ve-
speris commemor. S. Thomæ de
Villanova Conf. & Episc.*

DIE XIX. SEPTEMBRIS.

In Festo SS. IANUARIJ, &
Sociorum eius.

*Commem. S. Theodori Episco-
pi, & Confessoris.*

ORA-

ORATIO.

EXaudi quæsumus Domine preces nostras. *ut in Communi Confess. Pontificis.*

DIE XXIV. SEPTEMBRIS.

Sancti GERARDI Episcopi
Martyris, Duplex.

*Omnia de Communi Martyr.
præter quintam Lectionem.*

Oratio. Infirmittatem.

Lection v.

Gerardus Venetijs ex Sagedra Patritia Familia natus, ab ineunte ætate diuino cultui deditus Monasticum amplexus est institutum sub Regula Sancti Benedicti in Monasterio S. Georgij Maioris Venetiarum; in quo diuinis contemplationibus vacans flagranti animo concupiuit Dominicum sepulchrum inuisere. Cum igitur in Palaestinam tenderet peruenit in Pannoniæ partes, ubi tunc pijssimus Rex Stephanus regnabat, à quo benignè exceptus primùm Eremiticâ vitâ duxit. Mox Episcopus creatus commissas sibi oues verbo & exemplo pascere nunquâ destitit, donec in persecutione Christianorum, quæ in Pannonia; ut ipse prædixerat post Sanctissimi Regis obitum secuta est; lapidibus

obrutus, Martyrij palmam obtinuit, atq; sanctitate doctrina & miraculis clarus, Hungarorum Apostolus meruit nuncupari.

Lection vj. vij. & viij. de Serm. S. Aug. Triumphalis. de Communi unius Mart.

Homil. in Euang. Si quis venit ad me.

DIE V OCTOBRIS.

In Festo SS. PLACIDI & Sociorum Martyrum.

Commem. S. Athiliani Episc. & Confessoris.

In Laudibus, & Missa. Oratio. Da quæsumus. ut in Communi Confess. Pontificis.

DIE X. OCTOBRIS.

In Festo S. PAULINI Episcopi & Confess. Semidupl.

Omnia de Communi Confessoris Pontificis, præter ea, quæ hic sunt propria.

ORATIO.

EXaudi, quæsumus Domine, preces nostras, & intercedente B. Paulino Confessore tuo atq; Pontifice, supplicationes nostras placatus intende. Per Dominum.

In secundo Nocturno.

Lection v.

Paulinus, Monachus Romanus, S. Gregorij Papæ discipulus, cum Augustino, &

Socijs prædicationis gratia in Angliam missus, primum à Iusto Cantuariensi Archiepiscopo Nordanhumbro- rum Episcopus, id est Anglorum eorum, qui ad Aquilonarem Humbri fluminis plagam habitabant. fuit ordinatus, & ad eos missus, unà cum Edelburga Edelberti Cantuariorū Regis filia, hac lege cum Eduino eorum Rege, adhuc ethnico nuptura, ut liceret Reginae, suisque comitibus Christiano more viuere, promittente etiam Rege, se, Christiana religione diligenter examinata, si sanctior, & Deo dignior inueniretur, Christianum futurum.

R. Inueni David.

Lectio vi.

QVasi comes igitur puellæ nupturæ, Paulinus adueniens, ipse potius totis viribus intendebat, ut gentem quam adibat, ad agnitionem veritatis aduocans, iuxta vocem Apostoli, uni viro virginem castam exhiberet Christo. Primam ergo, quam ex Edelburga Eduinus suscepit filiam, statim Rege ipso annuente, baptizauit, deinde Regem in amplectenda Christiana fide cunctabundum in-

stando impulit, ut ea de re cum suis deliberaret, qua in deliberatione, adeo strenuè se gessit Paulinus, ut idolorū Pontificibus primum ad fidē conuersis, mox Rex abrenunciata Idololatria Christi fidē latus suscepit: Vnusque ex Idolorum sacerdotibus, equo conscenso, & lancea arrepta, eaq; in fanum immissa, ad idolorum euerfionem reliquos animauerit.

R. Posui adiutorium.

Lectio vij.

REX igitur tumultuario opere ligneam Basilicam Eboraci, in qua sanctum baptismum ab eodem Paulino suscepit, statim erigens, eam deinde lapideam in honorē S. Petri Apostolorum Principis construendam curauit. Sedemq; Episcopatus esse voluit. Ex quo tantus fertur tunc fuisse feruor fidei, ac desiderium lauacri salutaris, ut post omnem Prolem Regiam eo purificatam, triginta sex diebus continuis aliquando Sanctus Paulinus, in gentibus illis catechizandis, & in flumine Gleno baptizandis, à mane usq; ad vesperam, sine intermissione aliqua, improbo, sed pio studio, desudauerit.

Quin

Quin & ad meridianā Humbri fluminis plagam diuertēs, eiꝯ genti Euangelium prædicans, Bleccam Lindacolinæ Ciuitati Præfectum, cum tota domo ad fidem conuertit, Basilicamq; lapideam erexit, in qua quotannis multa miracula fiebant.

R. Iste est qui ante Deum.

Lectio viij.

Adiutus est in hisce pietatis operibus Paulinus maximè Bonifacij Quinti, & Honorij primi Romanorum Põtificum litteris, ad Eduinum Regem, & eius coniugem exhortatorijs, à quorum altero, ipse quoq; pallium accepit. Sed Rege in bello occiso, magnaq; in Nordanhumbrorū Ecclesia strage subsecuta, S. Paulinus, accepta secum Regina, Cantium, unde digressus primò fuerat, reuersus est. Vbi Rossensis Ecclesiæ Pastore destitutæ curam suscepit, ac tenuit, donec & ipse, suo tempore, ad regna cælestia, cum gloriosi fructu laboris, ascēdit Sexto Idus Octobris, anno Domini sexcentesimo quinquagesimo quarto.

R. Iustum deduxit.

In tertio Nocturn: Homil. in Euang. Vigilate, quia nescitis. in Communi Pontif.

DIE XV. OCTOBRIS.

S. TERESIAE Virginis. Duplex.

Omnia ut in Breuiario.

Pro SS. THECLA, & S. BRUNONE Episc. & Martyr.

Lectio ij.

Sanctus Bonifacius Archiepiscopus Moguntino, Germaniæ Apostolus & Martyr; cū apud Turingos, & Hefos prædicaret, cernens multam quidem illic extare messem, sed operatores esse paucos, & qui tantæ credentium multitudini instituendæ non sufficerent (centum mille enim animas conuertit ad Christum) misit in patriam suam Angliam, & acciuit inde non modò viros religiosos, & multijugi eruditione præstantes, sed etiam feminas. In quibus præcipuè nominantur Cunigundis Sancti Lulij matertera, & eius filia Bertgitis, item Cunitridis, Thecla, Lioba, & Vualburgis soror Sanctorum Vuilibaldi, & Vuuibaldi: omnes liberalibus scientiis eruditæ, quæ apud Thuringos virtutis magistræ sunt constitutæ. Cunitridis missa est in Baioariam, ut verbi Diuini sementem illic faceret, Liobam virginibus sacris apud Bischofeshemium

mium præfecit, Theclam deniq; apud Moganum fluuium Kisingæ, & Ochnofurti voluit manere. Quæ Virginum Abbatissa constituta, quasi lucerna in caliginoso loco lucens, plures ad Monasticæ vitæ amorem & imitationē suo exēplo prouocauit. Denique cū multas Christo animas acquisiuisset, quieuit in Domino Idibus Octobris. Claruit anno salutis septingentesimo trigesimo. Eodē die natalis etiam S. Brunonis Episcopi Ruthenorū & Martyris, ex monacho nostri ordinis, qui Euangelium in ea regione prædicans, ab impijs tentus, manibus pedibusque præcisus, capite truncatus est anno Domini millesimo octauo, indictione sexta.

R. Simile est regnum.

Pro Commemor. S. Brunonis.

Oratio. Infirmiorem. de Communi.

Pro Sancta THECLA.

ORATIO.

DEus, qui nos annua Beatae Theclæ Virginis tuæ solemnitate lætificas, da, ut quam veneramur officio, etiam piæ conuersationis sequamur exemplo. Per Dominum nostrum.

DIE X. NOVEMBRIS.

In Festo S. Iusti Episcopi & Confessoris. Semiduplex.

Omnia ut in Communi Confessoris Pontificis.

Lectio v.

Iustus Monachus, S. Gregorij Magni discipulo, missus ab eo cum Mellito in Angliam, primū à B. Augustino Archiepiscopo Cantuariensi Episcopus fuit Rossensis ordinatus: sed Augustino defuncto, cū gens illa ad Idolatriam redisset, Iustus, & Mellitus Londinensis Episcopus in Galliam, ne frustra multam operam in Anglia consumerent, recessere; unde postea à S. Laurentio, qui B. Augustino in Episcopatu successerat, reuocati, ad suas Ecclesias instituendas redire iussi sunt. R. Inueni.

Lectio vj

Iustus ergo ad Ciuitatem Rossii, cui præerat rediens, multos pro Christo sustinuit labores, multisq; miraculis claruit. Deniq; ex humanis etiam sublato Mellito, qui Laurentio fuerat in Cantuariensi Archiepiscopatu successus, in eius locum successit Iustus, Romanumque pro se Rossensem consecrauit Episcopa-

scopum, data sibi ordinandi Episcopos auctoritate à Bonifacio Papa, à quo palliū etiam accepit.

R. Posui adiutorium.

Lectio vij.

Litterarum autem Bonifacij Papæ hoc est initium; Dilectissimo fratri Iusto Bonifacio; Quàm deuotè;quàmque etiam vigilanter pro Christi Euangelio elaborauerit vestra fraternitas, non solum Epistolæ à vobis directæ tenor, immò indulta desuper operi vestro perfectio indicauit. Et infra. Pallium prætereà per latorem præsentiiū fraternitati tuæ benignitatis studijs inuitati direximus, concedentes etiam tibi ordinationes Episcoporum, exigente opportunitate, ut Christi Euangelium plurimorum annunciatione, in omnibus Gentibus, quæ necdum conuersæ sunt, dilatetur.

R. Iste est.

Lectio viij.

Iustus deniq; postquam ingenti fructu, æterno cum merito, Angliæ populos, ipsorumq; Regem in Catholica fide firmasset, vicinofq; etiam ad fidei societatem pellexisset, ut Iusti nomine ope-

ribus consone, corona adueniret iustitiæ, de hac vita ad immortalem vocatus, occubuit quarto Idus Nouembris, circa annum Domini sexcentessimum trigessimum secundum: R. Iustum deduxit.

In tertio Nocturno, Homil. in Euangel. Homo peregrè. de Communi. Lectio xj. de Sanct. Triph. &c. Mart. cum R. Absterget Deus. ut in Breuiar.

Et eorum commem. in Laudib. Missa. Statuit. de Communi Confess. Pontificis.

Vesp. de S. Martino Episc. & Confes. & sit commem. de S. Iusto, deinde de S. Menna Mart. ut in Breuiario.

DIE XVII. NOUEMBRIS.

S. GERTRUDIS Virg. Abbatisæ, Duplex.

Omnia de Communi Virgin. præter quæ sequuntur.

ORATIO.

DEo qui in purissimo corde B. Gertrudis Virginis tuæ iucundam tibi habitationem præparasti, eius meritis & intercessione cordis nostri maculas clementer absterge, ut digna Diuinæ Maiestatis tuæ habitatio effici mereatur. Per Dominum.

De Canticis Canticorum.

Lectio j.

Ego

EGo flos campi & lilium
conualium. Sicut liliū
inter ſpinas, ſic amica mea
inter filias. Sicut malus in-
ter ligna ſiluarum, ſic di-
lectus meus inter filios.
Sub umbra illius quem deſi-
deraueram ſedi, & fructus il-
lius dulcis gutturi meo: In-
trodixit me in cellam vina-
riam ordinauit in me chari-
tatem. Fulcite me floribus,
ſtipate me malis, quia amore
languco.

Lectio ij.

Quis mihi det te fratrem
meum, fugientem ube-
ra matris meæ ut inueniam
te foris & deoſculer te &
iam me nemo deſpiciat. Ap-
prehendam te & ducam in
domum matris meæ: ibi me
docebis, & dabo tibi poculū
ex vino condito & muſtum
malorum granatorum meo-
rum.

Lectio iij.

Læua eius ſub capite meo
& dextera illius amplexa-
bitur me. Adiuro vos filiæ
Ieruſalem ne ſuſcitetis neq;
euigilare faciatis dilectā do-
nec ipſa velit. Quæ eſt iſta
quæ aſcendit de deſerto de-
licijs affluens innixa ſuper di-
lectum ſuum.

Lectio iij.

Pone me ut ſignaculum ſu-
per cor tuum, ut ſignaculū
ſuper brachium tuum: quia
fortis eſt ut mors dilectio du-
ra ſicut infernus æmulatio.
Lampades eius lampades i-
gnis, atq; flammæ. Aquæ
multæ non potuerunt extin-
guere charitatem, nec flumi-
na obruent illam, ſi dederit
homo omnem ſubſtantiam
domus ſuæ pro dilectione
quaſi nihil deſpiciet eam.

In ſecundo Nocturno.

Lectio v.

Gertrudis Virgo Iſlebij in
Comitatu Mansfeldienſi
nobiſſimis parentibus nata,
quinguennis Chriſto cui iam
nubilus erat & matura, in
Monasterio Urbis Rodardæ
Ordinis S. Benedicti, virgini-
tatem ſuam conſecrauit. Ab
ipſo in Religionem ingreſſu
Angelicæ vitæ rationem ini-
it, & literis humanioribus
ac diuinis apprime exulta;
ad eam doctrinæ perfectionē
peruenit, quam eruditiffimi
quiq; meritō ſuſciperent. E-
ximia eius fuit contemplatio
in qua multis reuelationibus
ac viſis cæleſtibus à Deo il-
luſtrata, eodem inſpirante
libros Diuinæ ſapientiæ ple-
nos conſcripſit.

Lectio

Lectio vi.

Quamuis autem tantis naturæ & gratiæ dotibus eniteret, diuinis frueretur colloquijs; prophetiæ dono, & plurimis esset insignita miraculis adeo tamen sibi ipsa vilescēbat, ut inter præcipua diuinæ virtutis miracula, hoc unum singulare crederet, quod se indignissimam, ut dictitabat, terra peccatricem sustineret. Dum annum ageret trigessimum, in Abbatissimam primū eius Monasterij, deinde Elphidiani, siue ut vocant Elphiani electa est. Quo in munere per quadraginta annos, ea charitate, prudentia, & regularis disciplinæ integritate se gessit, ut Cœnobium domus Dei esse videretur; in qua corporati Angeli viuerēt sub Gertrude Magistra: quæ quamuis esset omnium Mater, omnium tamen se ministram exhibebat.

Lectio vii.

Cælestis sponsus in eius purissimo corpore delicias collocauit, cui suorum etiam vulnerum stigmata igneo amoris stylo Diuinus cælator inussit. Hinc illa nihil nisi Christum loquebatur quem

in corde gestabat, qui nusquā se conuenientius quā in Sacramento Altaris, ac deinde in huius suæ dilectæ corde, & anima inueniendum pronunciauit. Eiusdem charissimæ sponsæ sanctitatem diuini oris sui confirmauit oraculo, cum testatus est nullam tunc temporis animam in terris viuere, quæ ut illi coniunctior, ita gratior esset & acceptior.

Lectio viij.

Deiparam Virginem peculiari beneficio in Matrem & procuratricem sibi à Christo datam, quam cum alijs Cæli Ciuibus frequenter habebat spectabilem singulari pietate prosequēbatur. Erga Sanctissimum Eucharistiæ Sacramentum & Christi passionem, tanto amoris & gratitudinis sensu afficiebatur, ut tota lacrymis liquesceret. Animas piacularibus flammis addictas quotidianis suffragiis & assiduis precibus subleuabat. Zelo Diuini honoris promouendi, & procurandæ salutis proximi iugiter ardebat. Cum igitur feruentissimo Dei amore potius quā morbo langueret, huic Christus Sanctissima Matre, dile-

quoque discipulo, & candidissimo Virginum choro comitatus adfuit, & eius animam corporis solutam compagibus, ac mirabili corporis explicatione intra cordis sui penetralia receptam, ad caelestem thalamum traduxit.

Lectio Sancti Evangelij secundum Matthaeum.

Lectio ix.

IN illo tempore : dixit Iesus discipulis suis parabolam hanc : Simile erit Regnum caelorum decem Virginibus quae accipientes lampades suas exierunt obuiam Sponsi & Sponsae. Et reliqua.

Homilia S. Augustini Episcopi. *serm. 23. de verbis Domini cap. 2.*

Intelligamus, charissimi, ad omnes nos, id est uniuersam omnino Ecclesiam istam pertinere parabolam, non ad solos praepositos, nec solas plebes, sed prorsus ad omnes. Quinque istae, & quinque virgines, omnes omnino sunt animae Christianorum. Sed ut dicamus vobis, quod Deo inspirante sentimus, non qualescunque animae, sed tales animae quae habent Catholicam fidem & habere videntur bona opera in Ecclesia

Dei & tamen ex ipsis quinque sunt prudentes & quinque fatuae.

Lectio x.

Quare ergo appellatae sunt quinque, & quare virgines, prius videamus. Omnis anima in corpore ideo quinario numero censetur, quia quinque sensibus utitur. Qui ergo se abstinere ab illicito visu, ab illicito auditu, ab illicito odoratu, ab illicito gustu, ab illicito tactu, propter ipsam integritatem Virginis nomen accepit. Sed si bonum est abstinere ab illicitis sentiendi motibus, & ideo unaquaeque anima Christiana Virginis nomen accipit : quare quinque admittuntur, quinque autem repelluntur.

Lectio xj.

ET Virgines sunt & repelluntur. Parum est quia virgines sunt & lampades habent. Virgines propter bona opera de quibus operibus Dominus dixit : Luceant opera vestra coram hominibus : Item discipulis dicit : Sint lumbi vestri praecincti, & lucernae ardentes in manibus vestris. In lumbis aecinctis virginitas, in lucernis ardentibus opera bona. Si ergo ab illi-

illicitis abstinentia bona est; unde virginitas nomen accipit; & opera bona laudabilia sunt, quæ significantur lapidibus; quare quinque admittuntur & quinque repelluntur?

Lectio xij.

Alias dixit prudentes, alias stultas. Vnde intuemur; unde discernimus? De oleo. Aliquid magnum significat oleum, & valde magnū. Putas num charitas est? Quærendo dicimus, non sententiam præcipitamus. Vnde mihi videatur per oleum charitas significari, dicam vobis. Apostolus dicit: adhuc supereminentiorem vobis viā demonstro. Si linguis hominum loquar & Angelorū, charitatē autē non habeam, factus sum ærumentum sonans aut cymbalum tinniens. Ipsa est supereminens via, id est charitas quæ merito oleo significatur: omnibus enim humoribus oleum supereminet.

DIE XIII. DECEMBRIS.

Vesp. de S. Lucia, Capit. de S. Dominico, & S. Dominici Abbatis Silensis, Duplex. ut in Communi.

ORATIO.

Deus, qui Ecclesiam tuam
B. Dominici Confessoris

tui præclaris vitæ meritis decorasti, & in liberandis captiuis, gloriosis latificasti miraculis; concede nobis famulis tuis, ut & ipsius instruiamur exemplis, & ab omni seruitute, eius patrocinio, liberemur. Per Dominum.

Commem. S. Lucie & fer.

In primo Nocturno Lektionen de Feria occurrente, nisi hoc Festum incidat in Feriam Quatuor Temporum, tunc enim leguntur Lektionen. Iustus si morte. ut in Communi Confessoris non Pontificis.

In secundo Nocturno.

Lectio v.

Dominicus Abbas honestis parentibus natus est Canis, oppidulo ad radices Iubedæ montis, in Cantabris. Quem ab ipsa pueritia mirus monasticæ vitæ ardor occupauit: aded ut relicta gregis paterni cura in solitudinem secesserit. Sed cum parum ei tuta videretur illa solitudo, insigne S. Æmiliani Cathobium adiit: ubi cum diu sub habitu, & disciplina monastica vixisset magna sanctitatis opinione, Ecclesiæ Cananarum regendæ præficatur.

R. Honestum fecit illum Dominus, & custodiuit eum
H 2 ab

ab inimicis, & à seductoribus
tutavit illum: * Et dedit il-
li claritatem æternam.

¶ Iustum deduxit Domi-
nus per vias rectas, & osten-
dit illi regnū Dei. Et dedit.

Lectio vi.

INde in Cænobio S. Æmili-
ani reuocatus, Prior effici-
tur. Verū dum Cantabro-
rum Regi, quædam à Cœno-
bio iniuste exigenti constan-
tissimè resistit, ab eodem in
Iubedæ montis inuia, duobus
monachis comitibus actus
est; qui eius furori cedere cu-
piens ad Ferdinandum Ca-
stellæ, & Legionis Regem e-
ius nominis primum, se con-
tulit. Qui Viri Dei sanctita-
te motus, illum ad se adeun-
tem benignè, & honorificè
excepit, & Cœnobio S. Seba-
stiani præesse voluit, addito
ab Episcopo Diocesano Ab-
batis titulo.

R. Amavit eum Dominus,
& ornavit eum: stolam glo-
riæ induit eum. * Et ad por-
tas paradisi coronavit eum.

¶ Induit eum Domino lo-
ricam fidei, & ornavit eum.
Et ad portas.

Lectio vij.

ERat autem ipse locus in-
frequens utpotè qui steri-

libus quibusdam Iubedæ mō-
tis collibus subiaceat, qua
mons ipse Celtiberos tangit.
At claritate miraculorum,
quæ quotidie per servum su-
um Dominicum operabatur
Deus, tam celebris, ac fre-
quens factus est, ut eo tem-
pore per Hispaniam nullus il-
lustrior esset. Nulla enim fer-
mè morborum genera erant,
quæ Dominici precibus ab
hominum corporibus non
pellerentur. Vnde Cœnobio
in augustiorem formam ere-
cto, magno etiam monacho-
rum numero coaluit, Regi-
bus, ac populis multa illa cer-
tatim offerentibus.

R. Iste homo perfecit o-
mnia, quæ locutus est ei De-
us, & dixit ad eum: Ingrede-
re in requiem meam: * Quia
te vidi iustum coram me ex
omnibus Gentibus.

¶ Iste est qui contempsit
vitam mundi, & peruenit ad
cælestia regna. Quia te.

Lectio viij.

QVin etiam singulari priui-
legio servum suum insi-
gniuit Dominus, ut Christia-
ni, qui apud Mahometanos
vincti, multis ferri ponderi-
bus tenebātur, inuocato Do-
minico, liberarentur. De-
mum

mum graui morbo correpto, Ecclesiæ Sacramentis deuotissime susceptis migravit ad Dominum, Anno Dñi millesimo septuagesimo quarto. Eo autem die quo migravit à corpore, visa est à quibusdā illius anima triplici corona decorata in cælum subuolare. Corpus verò eius in eodē Cœnobio conditum, hodie cernimus quod S. Dominicū de Silos appellamus. Ad cuius sepulchrum orans Ioanna, Felicis Guzmanī uxor, olim infœcunda, filium impetrauit, cui Sancti huius Viri propterea nomen imposuit; Quod quidem ipse mira vitæ sanctitate, sacroq; Prædicatorum ordine instituto, multò reddidit illustrius, quàm accepit.

R. Desiderium animæ eius tribuisti ei Domine: * Et voluntate labiorum eius non fraudasti eum.

V. Vitam petijt à te, & tribuisti ei Domine. Et voluntate.


Gloria Patri. Et voluntate.

In tertio Nocturno, Homil. in Euangel. Ecce nos de Comuni.

Missæ Abbat. Os iusti. cum Credo, si celebretur infra oct. Concept.

Si hoc Festum venerit in die quatuor Temporibus Lectio xj. legatur de Homil. Feriæ, de illa sit commemoratio ad Laudes.

Vesp. à Cavit. de Concept. ut in primi festi commemor. S. Dominici, & fer.



Ordinis S. Benedicti Congregationis Hispaniarum Vallis Oletanæ.

SAcra Rituum Congregatio, referente Eminentif. D. Cardin. Bona, præcedentibus enixis, atque reiteratis precibus Patris Magistri Fratris Ildephonfi de Miér, Ordin. S. Benedicti, Cógregationis Hispaniarum Vallis Oletanæ Procuratoris Generalis, nec non Sacrarum Congregationum, Sanctæ Romanæ uniuerſalis Inquiſitionis, ac Rituum Qualiſicatoris, & Conſultoris, indulſit, atque conceſſit omnibus Monafterijs utriuſq; ſexûs præfatæ Vallis Oletanæ Congregationis, ut liberè, & licitè poſſint celebrare Feſta Sanctorum Monachorum prædicti Ordin. S. Benedicti Congregationis Vallis Oletanæ, & Angliæ, cum Officijs, Lectionibuſq; proprijs, & Orationibus, &c. ab eadem Sac. Rit. Congregatione maturè perpenſis, & diligenter diſcuſſis, atq; approbatis, ut iacent inſcripta in retroſcripto Codice, & Kalendario. Placuitq; eidẽ Sacræ Congregationi Rituum, nomina præfatorum Sanctorum prædicti Ordinis hic exprimere, ut prædicta Officia ſic imprimi poſſint ſub ordine, & ritu in prædicto retrò Codice præfixis, videlicet Sanctorum, Benedicti Abbatis, Ildephonſi Epifcopi, Adelelmi Abbatis, Laurentij Epifcopi, Helladij Epifcopi, Leandri Epifcopi, Rudeſindi Epifcopi, Suitberti Epifcopi, Veremundi Abbatis, Vincentij Abbatis & Martyris, Ramiri & Sociorum Martyrum, Iſidori Epifcopi, Turibij Epifcopi, Anſelmi Epifcopi, Melliti Epifcopi, Genadij Epifcopi, Auguſtini Epifcopi, Bedæ Præbyteri, Enneconis Abbatis, Bonifacij Epifcopi & Martyris, Felicis Martyris, Florentinæ Virginis, Ediltrudis Virginis, Vuillebaldi Epifcopi, Chilian Epifcopi & Martyris, Translationis S. P. Benedicti cum Octaua, Stephani & Sociorum Martyrum, Edithæ Virg. & Martyris, Columbæ Virg. & Martyris, Theodori Epifcopi, Attiliani Epifcopi, Paulini Epifcopi, Theclæ Virginis, Brunonis Epifcopi & Martyris, Iuſti Epifcopi, Dominici Abbatis, Feſto-

rum

MS(*)567 63
rum Transitus S. Benedicti, & S. Scholasticae cum Octava,
etiam quando eorum Officia celebrantur in Quadragesima,
Hac die 12. Septembris, 1674.

F. M. Episc. Portuen. Card. Brancatius.

Loco ✕ Sigilli.

*Bernardinus Casalius Sac. Rit.
Congr. Secret.*

Congregationis Casinensis Ord. S. Benedicti.

Sacra Rituum Congregatio ad pias preces Eminentissimi & Reuerendissimi Domini Cardinalis Casanatae porrectas pro Patre D. Sebastiano à Mediolano Abbate, & Procuratore Generali tam nomine proprio, quam Capituli Generalis Congregationis Casinensis, Ordinis S. Benedicti, gratiam benignè extendendo concessit, ut in posterum à tota Congregatione utriusq; sexus Casinensi militante sub regula dicti Sancti recitari possint Officia nonnullorum Sanctorum eiusdem Ordinis alias sub die 22. Septembris 1674. ad relationem Eminentissimi Bonae recognita, & approbata pro Congregatione Vallisoletana in Hispania praedicti Ordinis (excepto tamen festo Translationis S. Benedicti;) Nec non recitari possit Officium S. Gerardi Episcopi & Martyris, ex familia Sagreda Monachi praefati Ordinis sub die 10. Decembris, 1678. concessum, & approbatum pro Ciuitate Veneta. Hac die 24. Februarij, 1680.

Cæsar Card. Fachenettus.

Loco ✕ Sigilli.

*Bernardinus Casalius Sac. Rit.
Congr. Secret.*

DIE

DIE VIII. FEBRVARII.
S. IOANNIS de Matha Confes-
soris duplex.

In Hymn. Hac die.

ORATIO.

DEus qui per Sanctum Io-
annem de Matha Ordi-
nem Sanctissimæ TRINITA-
tis ad redimendum de pote-
state Saracenorum captiuos
cælitus instituere dignatus es;
præsta quæsumus ut eius suf-
fragantibus meritis à captivi-
tate corporis & animæ te
adiuuante liberemur. Per
Dominum nostrum.

Lectio primi Noct. de script.
occur. si autem venerit in Qua-
drag. Beatus vir. de Conf. non
Pontif.

Lectio v.

IOannes de Matha Ordinis
ISSMæ Trinitatis Redem-
ptionis Captiuorum Institu-
tor Falcone in Prouincia na-
tus est; Parentibus pietate &
nobilitate cōspicuis: studio-
rū causa Aquas sextias, mox
Parisiōs profectus, confectio-
que Theologiæ curriculo,
Magisterij lauream adeptus,
doctrinæ & virtutum splen-
dore enituit. Quibus motus
Parisiensis Antistes ad Sacrum
Præsbyteratus ordinem præ
humilitate reluctantem pro-

mouit, eo consilio, ut in ea
Ciuitate commorans, sapien-
tia & moribus studiosæ iu-
uentuti præluceret. Cum
autem in Sacello eiusdem E-
piscopi, ipso cum alijs adstan-
te primum Deo Sacrum of-
ferret; cælesti fauore meruit
recreari: Nam Angelus can-
dida & fulgenti veste indu-
tus; cui in pectore Crux ru-
rubei & cerulei coloris affu-
ta erat, brachijs cancellatis
& super duos captiuos ad la-
tera positos; Christianum u-
num, alterum Maurum extē-
sis apparuit. Qua visione in
extasim raptus, intellexit pro-
tinus vir Dei, se ad redimen-
dos ab infidelibus captiuos
destinari.

Lectio vj.

QUOD verò maturius in re
tanti momenti proce-
deret in solitudinem secessit,
ibiq; Diuino nutu factum est
ut Felicem Valesium in ipsa
Eremo iam multis annis de-
gentem repererit, cum quo
inita societate, se per trienni-
um in oratione & contem-
platione, omniumq; virtutū
studio exercuit. Contigit au-
tem ut dum secum de rebus
Diuinis propè fontem collo-
querentur, Cervus ad eos ac-
cesse-

cefferit, Crucem inter cornua gerens rubei & cerulei coloris. Cumq; Felix ob rei nouitatem miraretur; narrauit ei Ioannes visionem, in prima Missa habitam, & exinde feruentius orationi incumbentes, iterum in somnijs admoniti, Romam proficisci decreuerunt, ut à Summo Pontifice noui Ordinis pro redimendis captiuis institutionē impetrarent. Electus fuerat eo tempore Innocentius III. qui illis benignè acceptis, dum secum de re proposita deliberraret, in festo S. Agnetis secundò; Laterani intra Missarum solemniam ad Sacrae Hostiae eleuationem, Angelus ei candida veste, cruce bicolore, specie redimentis captivos apparuit. Quo viso Pontifex institutionem approbavit: & novum Ordinem SSmæ Trinitatis Redemptionis captiuorum vocari iussit, eiufque Professoribus albas vestes cū Cruce rubei & cerulei coloris præbuit.

Lectio vij.

Sic stabilito ordine Sancti Fundatores in Galliam redierunt, primoque Cænobio Cerui frigidi in Diœcesi Meldensi extructo, ad eius Regi-

men Felix remansit, & Ioannes Romam cum aliquot socijs reuersus est, ubi Innocentius domum, Ecclesiam & hospitale S. Thomæ de Formis in Monte Cælio eis donauit; cum multis redditibus & possessionibus. Datis quoque literis ad Miramolimum Regem Marrochij opus redemptionis felici auspicio inchoatum fuit, Tum ad Hispanias sub iugo Sarracenorum magna ex parte oppressas Ioannes profectus est; Regumque, Principum, aliorumq; fidelium animos, ad captiuorum, & pauperum commiserationem commouit. Monasteria ædificauit, Hospitalia erexit, magnoq; lucro animarum, plures captiuos redemit.

Lectio viij.

Romam tandem reuersus, sanctisq; operibus incumbens, assiduis laboribus attritus, & morbo confectus, ardentissimo Dei & proximi amore æstuans, ad extremum deuenit. Quare Fratribus cōuocatis, eisq; ad opus Redemptionis cælitus præmonstratum efficaciter cohortatis, obdormiuit in Domino Sexto decimo Kalendas Ianuarij,

rij: anno salutis, Millesimo, ducentesimo, decimo tertio, eiusq; corpus in Ecclesia Sancti Thomæ de Formis condigno honore tumulatum fuit. *Euang.* Sint lumbi vestri.

DIE XX. NOUEMBRIS.

S. FELICIS de Valois Confessoris, Ordinis SSmæ TRINITATIS Redemptionis Captiuorum Fundatoris, Duplex.

Omnia de Communi Confessoris non Pontificis. In Hymn. Hac die lætus meruit supremos.

ORATIO.

DEUS qui B. Felicem Confessorem ex Eremitio ad munus redimendi captiuos, cælitus, vocare dignatus es; præsta quæsumus, ut per gratiam tuam ex peccatorum nostrorum captiuitate, eius intercessione liberati ad cælestem Patriam perducamur. Per Dominum.

Lectio primi Noctur. de scriptis occur.

Lectio v.

FELIX Hugo antea dictus, ex Regali Valesiorum Familia ortus in Gallia, ab ineunte ætate non leuia dedit futuræ sanctitatis indicia, præfertim misericordiæ erga

pauperes; nam adhuc infans, manu propria acsi grādius esset, & iudicii maturitate polleret, nummos egenis distribuit. Iam grandiusculus solebat ex appositis in mensa dapibus ad ipsos mittere, & fermè eo quod sapidius erat obsonio paupericulus pueros recreabat. Adolefcens non semel vestibus se spoliavit, ut inopes cooperiret, Ab Avunculo Theobaldo Campaniæ & Bleisij Comite vitam reo mortis impetrauit, prædicens hunc infamem hæcenus sciarum, mox sanctissimis præditum moribus euasurum: veridicum testimonium monstrauit euentus.

Lectio vi.

Post exactam laudabiliter adolescentiam cœpit ex cælestis contemplationis studio solitudinem cogitare, prius tamen voluit sacris initiari, ut omnem Regni, à cuius successione, iure Legis Salicæ, non longè distabat, spem sibi præcideret. Sacerdos factus; & prima Missa deuotissimè celebrata; non multò post in Eremitum secessit; ubi summa abstinentia victitans cælesti charismatum

tum abundantia pasceretur. Ibi cum S. Ioanne de Matha Parisiensi Doctore, à quo ex Diuina inspiratione quaesitus & inuentus per aliquot annos sanctissime vixit, donec ambo per Angelum à Deo admoniti Romam peterunt specialem à Summo Pontifice viuendi Regulam impetraturi. Facta igitur Innocentio Papæ Tertio inter Missarum solemnia reuelatione, Religionis & instituti de redimendis captiuis, ab ipso Pontifice, simul cum Socio, candidis vestibus bicolori Cruce signatis induitur, ad eam formam, quâ Angelus indutus apparuit; & insuper voluit Pontifex, ut noua Religio iuxta triplicem colorē, quo habitus constat, Sanctissimæ Trinitatis titulo decoraretur.

Lectio vij.

Regula propria ex Summi Pontificis Innocentij confirmatione accepta, in Dicepsi Meldensi, apud locum qui cervus frigidus dicitur primum Ordinis paulo ante à se, & Socio, extractum Cœnobium ampliauit; ubi Religiosam obseruantiam, & redemptionis institutum mirifi-


cè coluit, ac inde per alumnos in alias Prouincias diligentissime propagauit.

Lectio viij.

Ilustrem hic à Beata Virgine fauorem accepit; dormientibus siquidem cunctis fratribus & ad matutinas preces in peruigilio Natiuitatis Deiparæ media nocte recitandas, Deo sic disponente non surgentibus. Felix de more vigilans, & horas præueniens, Chorum ingressus, reperit Beatam Virginem in medio Chori, habitu Cruce Ordinis insignito indutam, ac Cælitibus similiter indutis sociatam. Quibus permixtus Felix, præcinente Deipara; laudes Diuinas concinuit, ritèq; persoluit. Et quasi iam à terrestri ad Cælestem chorum euocaretur, instantis mortis ab Angelo certior factus, filios ad charitatem erga pauperes & captiuos, adhortans; animam Deo reddidit, ætate & meritis consumatus, anno post Christum natum ducentesimo duodecimo suprâ Millesimum sub eodem Pontifice Innocentio Tertio.

Homil. in Euang. Nolite timere pusillus grex.

Warsaw



Oration. De S. Joanne de Deo
Deus qui Beatum Joannem tuo amore suc-
censum inter flammis innoxium incedere se-
cisti, et per eum Ecclesiam tuam nova prole
Secundasti: presta ipsius Suffragantibus
meritis, ut igne charitatis tuae flamma nostra
curentur et remedia nobis aeterna proveniant.
In anno. Noct. Lect. Beaty etc. in 200. *Supra?* In *Epis*
Simil. S. Joannis Chrysostomi in *Aug.* Acceptant ad *Septem*
Thaisoli etc. ut in *Dea* 17. *post Pentecosten*

*In Feflo S. Adalberti
Epifcopi & Martyris
Ad Vefperas Antiphona.*

*Sancti tui Domine. ſcum r. liquis
de Communc Martyrum tempore
Paſchali. Pſalmus Dixit Do-
minus cum reliquis de Domi-
nica Capituluus. Stabunt iuſti.*

*R. breue Lux perpetua. Hy-
mnus in Utrisue Ve peris. O
Martyr invictiſſime! V. San-
cti & iuſti.*

Ad Magnificat Antiphona.

*Magnificet te Domine, tuo
redempta ſanguine Chriſtia-
na letabunda plebs, annua A-
dalberti votiva celebrans ſo-
lemnias: cujus, morte pretio-
ſa, devota promit gaudia, ut
per ejus ſuffragia tua impe-
tret beneficia alleluja.*

ORATIO.

Tuam nobis indulgentiam,
quæſumus Domine, Bea-
tus Adalbertus Epifcopus &
Martyr imploret, ut & deli-
cta nobis clamentem ignoſcas,
& beneficia deſiderata con-
cedas, Per Dominũ noſtrum.

Ad Matutinum Invitat Hymnus.

*Hymnis Canamus Martyrem
Antiphonæ Pſalmi, & omnia
alia dicuntur de comm. Mart: tem-
pore Paſchal, exceptis his, quæ*

Epifcopi & Martyris.

*hic assignantur: In primo Noctur-
no Lectiones de communi unius
Martyris. A Mileto Reſpon-
Beatus vir &c.*

*In ſecundo Nocturno quæ e-
tiam in feſto Translationis
ejusdem Sancti dicuntur.*

Leſtio V.

Adalbertus! Epifcopus Pra-
genſis in Boemia nobilis-
ſimis parentibus, Slaunico Li-
bicienſi Comite, & Matre Stre-
zylava natus. Voitechus an-
tea patrio ſermone dictus fu-
it, ab Epifcopo autem Magde-
burgenſi Adalberto, apud
quem deinceps pie & hone-
ſtiſſime educatus eſt, alterum
nomen accepit. Poſtquam
Ditmaro in Epifcopatu Pra-
genſi ſucceſſit, eum Sanctiſſi-
me in magna vitæ continen-
tia, pietate, pauperumque cu-
ra geſſit. Propter contumacis
tamen populi gravia peccata
deſerere illum coactus, Sedẽ
Apoſtolicam hac de re con-
ſulturus in Italiam ſe contu-
lit. R. Lux perpetua.

Leſtio VI.

Peregrinatione Jeruſolymi-
tana, quam inſtituerat in-
ter-

In Feflo S. Adalberti Epifcopi & Martyris

termiffa Romæ Leoni Abbati
S. Bonifacii commendatur. I-
bi cū in Religiofa vita quin-
quennium exegiffet, à Pra-
genfibus pertaſis orbis tatis
denuo revocatur. Principis
ipſius, & Archiepiſcopi Mo-
guntini nuntiis precibusq;
exoratus Pontifex, redire A-
dalbertum ad ſuos jubet. Re-
cipiunt lati reducem: non
diu tamen illi obtemperat:
ſacras enim ædes invadunt,
fontesq; qui ad illas confu-
gerant, per vim ereptos in-
terficiunt. Iterum illos de-
ſerit Adalbertus, animoq; ad
convertendas gentes alias
& Martyrium deſtinato, ut
Benedictionem tamen Sedis
Apoſtolice obtineat. Romam
revertitur. R. In ſervis.

Lectio VII.

Denuo Pragenſes & Mogū-
ni Adalbertum repetunt
Cumq; jufſu Pontificis iterū
ad illos rediret, tres Fratres
ſuos ab eis caſos eſſe cogno-
ſcit. Pragenſem ergo viam
præcluſam ſibi, mentesq; il-
lorum à ſe alienatas eſſe vi-
dens DEO gratiis actis con-
vertendi gentes, quod Roma-
nus Pontifex probaverat, in-

ſtitutum ſuum proſequitur,
Hungariam cum Rege Geiſa
ejuſq; filio Sancto Stephano
in fide Chriſti confirmato:
Poloniam vicinam, cognata-
q; Bōēnis ſuis gentem,
ſalutaribus præceptis copio-
ſus inſtruit. R. Filia Jeru-
ſalem.

Lectio VIII.

Poſt triennium autem Ra-
dzino, fratre in Archi E-
piſcopatu Gaeſnenſem ſuf-
feſto, ipſe in Pruſſiam, idolis
ad huc & demonibus ſervi-
entem proſciſcitur. Ibi dum
religionem Chriſtianam diſ-
ſeminaret, apud Fiſhausum.
ſinus Venedici oppidum, in-
ter ſacrificandum conſoſſus,
& in partes diſſectus eſt. Cor-
pus ejus à Boeſlao Chrabro
Principe Poloniæ poſtea re-
demptum, & in Tremeſnenſe
Monafterium prius, deinde
Gneſnam Metropolim hono-
rifice translatum eſt. R. La-
tabitur juſtus.

In tertio Nocturno.

*Lectio Sancti Eva gelii ſecun-
dum Joannem.*

Lectio IX. Cap. 10. b.

IN illo tempore. Dixit JE-
SUS Pharifæis: Ego ſum
Paſtor bonus. Bonus Paſtor
animam

In Feste S. Adalberti Episcopi & Martyris

animam suam dat pro ovibus suis Et reliqua.

Homilia Sancti Gregorii Papæ

Hom. 17 in Evangelii.

Est aliquid fratres! quod me de vita pastoris vehementer affligit. Ad exteriora enim negotia delapsi sumus; aliud ex honore suscipimus, atq; aliud ex officio actionis exhibemus. Ministerium prædicationis relinquimus, & ad penam nostram, ut video, Episcopi vocamur, qui honoris nomen non virtutis tenemus. Relinquunt namque Deum hi qui nobis commissi sunt, & taceamus: in pravis actionibus jacent, & correptionis manus non tendimus, quotidie per multas nequitias pereunt, & eos ad infernum tendere negligenter videmus.

R. Ego sum vitis vera, & vos palmites; Qui manet in me, & ego in eo hic fert fructum multum alleluja, V. Sicut dilexit me Pater, & ego dilexi vos. Qui manet.

Lectio X.

Sed quomodo nos vitam corrigere valemus alienam, qui negligimus nostram? Curis enim secularibus intenti, tanto insensibiles intus effici mur, quanto ad ea, quæ foris sunt, studiosiores videmur.

Ulu quippe curæ terrenæ, à celesti desiderio obdurefcit animus, & dum ipso suo usu durus efficitur, per actionem sæculi, ad ea emolliri non valet, quæ pertinent adharitatē Dei. Unde benè Sancta Ecclesia de membris suis infirmantibus dicit: Posuerunt me custodem in vineis: vineam meam non custodivi.

R. Candidi facti sunt Nazaraei ejus, alleluja: splendorē Deo dederunt, alleluja: Et sicut lac coagulati sunt, alleluja: V. Candidiores nive, nitidiores lacte, rubicundiores ebore antiquo, sapphiro pulchriores Et sicut.

Lectio XI.

Considerate ergo, quid de Gregibus agatur, quando pastores lupi sunt: hi enim custodiam gregis suscipiunt qui insidians gregi dominico non metuunt, contra quos greges Dei custodire debuerant. Nulla animarum lucra querimus, ad nostra quotidie studia vacamus; terrena concupiscimus, humanam gloriam intenta mente captamus. R. O quam prædicanda & laudanda in Sancto Adalberto excellentia celestis gratiæ radiat, cum & in ævo sit teneriore. Et in divino sacerdote, fan

In Feste S. Adalberti Episcopi & Martyris

Et Martyre, Deo munus acceptabile, alleluja. V. Fit in puero oblatio, sacrificium in præfule-holocauftum in martire. Et in divino.

LECTIO XII,

ET quia eo ipso quo ceteris prælati sumus, ad agenda qualibet maiorem licentiam habemus, susceptæ benedictionis ministerium vertimus ad ambitionis argumentum. Dei causam relinquimus, ad terrena negotia vocamus. Locum sanctitatis accipimus, & terrenis actibus implicamur. Impletum est in nobis profectio, quod scriptum est: Et erit sicut populus, sic sacerdos R. Alme Præsul, & Beate Dei martyr Adalberte confer opem petentibus. tuis sanctis precibz mala pelle bona possce. Præsta pacis incrementum confer vitæ gaudia, alleluja V. Ut sub tuo protecti patrocinio, gloriemur in laude Dei perpetuo. Præsta pacis. Gloria Patri. Præsta. Te Deum laudamus.

Sequentia Sancti Evangelii secundum Joannem cap. 10. b.

IN illo tempore: Dixit Jesus Phariseis: Ego sum Pastor Bonus Bonus pastor animam suam dat pro ovibus suis Mercenarius autem, et qui non est Pastor, cuius non sunt ovcs propriæ, vi-

det lupum venientem, & dimittit oves, & fugit. & lupus rapit & dispergit oves, mercenarius autem fugit quia mercenarius est et non pertinet ad eum de ovibus. Ego sum Pastor bonus, cognosco oves meas & cognoscunt memorem. Sicut novit me Pater, & ego agnosco Patrem et animam meam pono pro ovibus meis. Et alias oves habeo, quæ non sunt ex hoc ovilli, & illas oportet me adducere & vocem meam audient, & fiet unum ovile, & unus Pastor.

O R A T I O.

TUam Nobis indulgentiam quæsumus Domine, Beatus Adalbertus Episcopus & Martyr imploret, ut & delicta nobis clementer ignoscas, & beneficia desiderata concedas, per Dominum nostrum.

Antiphona ad Laudes Sancti Tui Domine cum reliquis de Communi Martyrum tempore Paschali Hymnus ad Laudes. O Chryste Robur. ut supra.

Ad Benedictus Antiphona.

Sacerdos DEI Adalberte Martyr & Pontifex Gloriosè, intercede ad Dominum pro devotis famulis. Alleluia.

In secundis Vesperis Antiphona.

Sancti tui Domine, cum reliquis de Communi Martyrum tempore Paschali etc.

Ad Magnificat Antiphona.

Per merita Sancti Adalberti Christe nos exaudi; atque ejus precibus nobis succurre miseris. Alleluja.

Eodem de S. Georgii Martyris de sermone S. Laurentii Patriarchæ Venetiarum.

LECTIO V.

Die xiv. Octobris

I N F E S T O

S. CALLISTI
PAPAE, ET MART.

Dupl. min.

LECTIONES II. NOCTURNI

Lectio IV.

Callistus Romanus præfuit Ecclesiæ Antonio Eliogabalo Imperatore. Constituit quatuor anni tempora: quibus jejunium ex Apostolica traditione acceptum ab omnibus servaretur. Aedificavit Basilicam Sanctæ Mariæ Transtiberim, et in via Appia vetus cœmeterium, in quo multi sancti Sacerdotes, et Martyres sepulti sunt, unde ab eo Callisti cœmeterium appellatur.

Lectio V.

Ejusdem pietatis fuit, quod beati Calpodii presbyteri et martyris corpus jactatum in tiberim conquiri diligenter curavit, et inventum honorifice sepellivit.

vit. Palmatium Consulari Simplicium
Senatoria dignitate illustres, Felicem, et
Blandam, qui deinde omnes martyrium
subiere, cum baptismo lustrasset, missus
est in carcerem, ubi Privatum militem
ulceribus plenum admirabiliter sanitati
restitutum Christo adjunxit: pro quo
idem, recens adhuc a fide suscepta,
plumbatis usque ad mortem cæsus occu-
buit.

Lectio VI.

Sedit Callistus annos quinque, mensem
unum, dies duodecim. Ordinationibus
quinque, mense Decembri, creavit Pre-
byteros sexdecim, Diaconos quatuor,
Episcopos octo. Post longam famem
crebrasque verberationes præcepit jactus
in puteum, atque ita Martyrio coronatus
sub Alexandro Imperatore, illatus est in
coemeterium Calepodii via Aurelia, ter-
tio ab Urbe lapide, pridie Idus Octobris.
Ejus postmodum corpus in Basilicam San-
ctæ Mariæ Transtiberim, ab ipso ædifi-
catam, delatum, sub ara majori, maxi-
ma veneratione colitur.

*Lectioes III. Nocturni ut in Brevia-
rio dicta die.*

DECRETUM. URBIS, ET ORBIS

Cum Emus et Rmus C. Card. Despuig Titularis Ecclesiæ S. Callisti, nomine etiam Emi et Rmi D. Card. Pignatelli Titularis Ecclesiæ S. Mariæ Transtiberim, in qua requiescit corpus ejusdem S. Callisti ipsius Basilicæ Fundatoris, necnon nomine Capituli, et Canonico-rum memoratæ Basilicæ enixis precibus SSmo Dno Nostro PIO VII. Pont. Max. supplicaverit pro elevatione ritus in universa Ecclesia Catholica Officii prælaudati S. Callisti Papæ et Martyris a semidupl. ad ritum dupl.: Be-tissimus Pater jam a tempore quo inter S. Rom. Ecclesiæ Cardinales recensebatur, ac prædictæ Ecclesiæ S. Callisti Titulum obtinebat peculi-ari devotionis sensu erga memoriam tanti Pon-tificis, qui Ecclesiam Dei sanctissimis institu-tionibus communivit semper affectus, referente R. P. D. Hieronymo Napulionio Fidei Promo-tore, libenter annuit pro gratia, ac Officium sæpediti S. Callisti in toto Orbe Catholico a ritu semiduplicis ad ritum duplicis minoris elevavit, illudque cum suprascriptis Lectioni-bus secundi Nocturni propriis, quibus utitur Sacrosancta Ecclesia Lateranensis in posterum recitandum esse præcepit. Die 2 Septembris 1808

A. Card. Matthæus

Loco + Sigilli

J. de Corpineo S.R.C. Secret.

ROMÆ Typis Rev. Cam. Apost. 1808.

In Supplementum Officii de Smo
Sepulchro Christi Domini, quando illud
ex propria Dominica motum, cum no-
vem lectionibus propriis, ut in anno
1829. occurrit recitandum.


Lectio IX.

Petrus igitur videns Resurrectionem,
quam Dei Filius prænuntiaverat, com-
pletam; qui sollicitus venerat securus
abscessit. MARIA tamen resurrectionis
ignara, non cessat lachrymas fundere,
nesciens hanc esse Dominici Corporis
gloriam, quam putabat injuriam. Cujus
inanes moerores Angelus magis prohibet
quam consolatur, ut Evangelista testatur.
Maria inquit, quid ploras? si spiritali
prudencia intentionem Divini sermonis
intelligas, lachrymarum causam non
tanquam ignarus interrogat, sed im-
portunos Fletus dolentis objurgat. Ma-
ria inquit, quid ploras? cum vacuo
monumento, non damno funeris, sed
merito resurgentis Iesu Christi corpus,
virtus tibi non facinus vendicasset; cul-
pat eodem tempore a Maria lachrymas
fundi, quo debuit gloriari. Quid ploras,
aut quem quæris? Angelus instruit nesci-
entem sano consilio, ne viventem quæ-
reret in sepulchro. Tu autem Dne etc.

1939

II Isturgia

XI.47



761273 Bibliotheca 1000 v.
P.P. Camaldulensium in Bielany

Depozyt w Bibliotece Jagiellońskiej



05068

3980

50

II Arthur

F